

አወላይ ሱላሲያይ እጅጉመዕ: ኤራትሪያ: መሰር ወሰን ለዲሞክራሲ መሰር ገብአ

አወላይ እጅጉመዕ ሱላሲያይ ልጅነት ወዘራ እኩል ካርጅየት ኤራትሪያ: መሰር ወሰን ለዲሞክራሲ እት የም 11 ጃንዋሪ 2025 እት ካይሮ ትሰርገላ።

ወዘር ካርጅየት ኤራትሪያ አሰይድ ዐ-ሰማን ሳልሕ: ወዘር ካርጅየት መሰር ዶ/ር በድር ዐብዱልግጤ ወወዘር ካርጅየት ጅምሁርየት ሰማል አሕመድ ሙዐልም ፊቂ እት እግሉ ወደው ህድግ: እት አደቀቦት መዓወነት መንጠቀት: ክምሰልሁመ ሰላም ወመስኩብት ቀር አፍሪቀ እቲ ህድገው።

ርአሰ አሰሪ አፍወርቁ: ርአሰ ዐብዱልፈታሕ አልሰሴ ወርአሰ ሐሰን ሼኽ መሕመድ እት የም 10 ኦገስት 2024 እት አሰመረ

ሐቀለ ወደው ህድግ ሱላሲ እት አፍገረው ናይ ሕበር ሸርሕ: ዕላቀት ድውሎም እግል ትጠወር: ክምሰልሁመ እት ናይ መንጠቀት ወዓለም ቅደይ ክምሰልሁመ ናይ ሕበር አህምየት ለቡ ተጠውራት ጂኦ-ሰላሲ ለትገብእ ሹራት ሰላሲት እግል ቲዚድ: እብ ወዘራ እኩል ካርጅየት ለተአሰሰት ወህድግ ርቱብ ለትወዳ ናይ ሕበር ልጅነት እግል ትትአሰሰ ክምሰል ትፋህመው ለልትዘር ቲ።

እሊ ክእን እት ህላ: ወዘር ካርጅየት አሰይድ ዐ-ሰማን ሳልሕ: እት ዕለት ምስል ወዘር ካርጅየት መሰር ዶ/ር በድር ዐብዱልግጤ እት ወደው ህድግ: እት መጃላት ዐማር እቅትሳድ ወእት መዓወነት ለህሌት ዕላቀት እግል ትደቀብ ትፋህመው።



PHOTOGRAPHY BRANCH ERITREA-MOI

ጋሽ-በርከ: ፈርዕ ወዛረት ሐርስ ናይላ አቅሊም መሻረከት ሻባት አንሳት ዲብ ሐርስ ወብዕድ ለክሰሰ ወዕለ ገብአ



ፈርዕ ወዛረት ሐርስ አቅሊም ጋሽ-በርከ: መሻረከት ሻባት ወአዋልድ አንሳት እት ዐማር ሐርስ እግል ትትወቀል ለአመመ ወዕለ: እት የም 10 ጃንዋሪ እት ባርንቶ ሰርገላ።

ሙዲር ዓም ቅስም ሐርስ ወአራዲ አሰይድ አብዘር ዐ-ሰማን እት ሀብድ ሸርሕ: እትላ ሐረሰቶት እንዴ ዜይ: መናበረት መዋሃንን እግል ትሰይ ለትሰተተ ናይ 5 ሰነት ስታት ህደፋ እት ሸርሕ: እግል ሰርገላ: ሰብ-ሸርከት: ወጠንያይ መሓብር ወመኤምራት ሐርስ ህዩ እብ ፍንቱይ ጅህደም እግል ለአተርዶ ትፋኑ።

ወአህምየቲ: ክምሰልሁመ ዶር መሕበር ወጠን አዋልድ አንሳት ኤራትሪያ እት አደቀቦት መሻረከት አዋልድ አንሳት እት ዐማር ሐርስ ለልብል ወራቅ ትቀደመ ወህድግ ገኦ እቲ።

እቅሊም ምስል አጅሀዘተ ዶር ክም ዐለ እለ አክድ። መሻረከት አዋልድ አንሳት እት ወራት ሐርስ እግል ቲዚድ እብ መትሰባል እግል ልትከደም: ሐረሰቶት ተጃርቦም እግል ለሓኩ አርደት እግል ትጥፈሕ ወብዕድ አርእ ቀደመው።

እት መናበት አህምየት ሕፍዘት ማይ ወትርበት: ተጃራት ሐርሱ ሄራር አንሰሶት ንህቡ: አፍሪቶት ሸፍር ጠቢዐት

ካክም አቅሊም ጋሽ-በርከ ሰፊር መሕመድ ዐለ ሕፍይ እት ካቲመ እት አሰመዐየ ከሊመት: ወራታት ሕፍዘት ማይ ወትርበት አህምየት እንዴ ተህብዮ እግል ልትከደም እሉ እት ለአትፋቅድ: እብ ወዛረት ሐርስ ለትዳለ እስትራቴጂያይ ትልም እግል ልትወወት: እዳረት

እት ደንጎቤ መሰል ሰነ ላቶም መስኩሊን ሐርስ ወሐረሰቶት ናይ ሐምዴ ሸጎዳት: አላት ሐርስ ወመርጀዕ ለገብእ ክቲብ ትቀደመ።

ልኡክ ኤራትሪያ: እት ፍንቱይ ወዕለ ማርሐት ድወል እተሓድ አፍሪቀ ሻረከ

እብ መስኩል ሸኡን ተንፊዚ ሰፋረት ደውላት ኤራትሪያ እት አቶብዩ ወሳብት ልኡክ እት እተሓድ አፍሪቀ ወመፈወደየት እቅትሳድ አፍሪቀ አሰይድ ቢንያም በርሄ ለትመረሐ ልኡክ ኤራትሪያ: ምን የም 9 ኦገስት 11 ጃንዋሪ እት ካምፓላ ኡጋንዳ ለትሰርገላ ፍንቱይ ወዕለ ማርሐት ድወል እተሓድ አፍሪቀ እት 'ክምኩም በራምጅ ተጠወር ሐርስ አፍሪቀ ሻረከ።

ወካርጅየት: እት የም 11 ጃንዋሪ ህዩ እብ ደረጀት ማርሐት ድወል እተሓድ አፍሪቀ ገኦ።

ልኡክ ኤራትሪያ: እብ ደረጀት-ደረጃቱ እት ገኦ ህድግ ዋሰሰ: ኤራትሪያ እት ሙተንካብ ናሱ ዐዳለት እጅጉመዕየት: ምልክየት በራምጅ ወእት መሻረከት ሸዐብ አሳሰ ለወዴ ወጠንያይ በራምጅ ዐማር ክምሰል ትተብዕ: ጠወርት መጃል ሐርስ ወአክዶት ደማነት ነብረ ህዩ አውለውየት ናይ አውለውየት ወጠንያይ በራምጅ ክምቲ ትሸረሐ።

ኤራትሪያ ቀደም 2013 ትሸቄ እቡ ለዐለት ሰቅራት: "አክዶት ደማነት ነብረ" ልብል ክም ዐለ: ምን ሰነት 2013 ኦገስት 2020 እት "አክዶት ሙነት ደማነት ነብረ" ክም ተሓየሱ: ምን ሰነት 2021 እንዴ አንበተ ህዩ እት "አክዶት መንገፊህ ለተሐፊዘት ሙነት ነብረ" ክምሰል ትጠወረ

ለወደሐ ልኡክ ኤራትሪያ: ምን 2024 ኦገስት 2028 ለልትመደድ እስትራቴጂያይ ትልም ሐርስ እንዴ ፈገገ: እት ዐማር እዳረት አራዲ: ዐማር እክል: ተዋብ ንዋይ: ክምሰልሁመ ተጠወር አርዘቅ እብ መትሰባል ትከድም ክምሰል ህሌት ወደሐ።

አርዘቅ ጠቢዐት እግል ልትሐፈዝ ወልጠወር እብ ልትሰርገል ለህለ ካድም: ኦገስት እለ ዝያድ 800 ለትፈናተ ቅያሰ ለቡ ከዛናት ክምሰል ትብኑ: እት ዝያድ 546 አልፍ ሄክታር ወራታት ሕፍዘት ማይ ወትርበት ክምሰል ትሰርገላ: ክምሰል ፍገራቲ ፈርያት ፍራታት እብ 71 ዕጹፍ: ፈርያት ሐምሌ ህዩ እብ 600 ምእታይት ክምሰል ወሰኩ: ክምሰልሁመ ዐማር ተመር እግል ልትወሰዕ ኦገስት 2026 ሐድ 200 አልፍ ዕጩይ ተመር እግል ልትሸተል በርናምጅ ክምሰል ህለ አፍህመ። እት ፍገራት



ንዋይ: ሐሊብ: ቤጭ ወመዐር ህዩ ለለአትናይት ሄራር ክምሰል ትሰጀለ ሐብረ።

ለወዕለ እት ደንጎቤ: እስትራቴጂያይ ትልም ወፈዓልቶቲ ምን 2026 ኦገስት 2035 ለልትመደድ ናይ 10 ሰነት ዓም በራምጅ ተጠወር ሐርስ አፍሪቀ: ክምሰልሁመ አዋጅ ክምፓላ እግል ልትደቀብ ክምኩም ንዛም ፈርያት ሐርስ እግል ዳይም ዐቦት እቅትሳድ

እቲ ሳደቀ። አዋጅ ክምፓላ: እተይ ሐርስ ኦገስት 2035 እብ 45 ምእታይት እግል ሊዚድ: እት እተይ ሐርስ ለሳድፍ ዐዋል እብ 50 ምእታይት እግል ልንቀሰ: እት ናሱ-ናሱ ለትገብእ ፍገራት ተጃራት ሐርስ እብ 3 ዕጹፍ እግል ልዕቤ: ክምሰልሁመ ሸቅየት ነብረ ከርስ ኦገስት 2035 እብ 35 ምእታይት እግል ሊዚድ ለልብል አህዳፍ ለቡ ቲ።

መሕበር ሐካይም ኤረትሮፕ ወዕላሁ ውዴ



ሰኢ. ዙቤር ሰዓሲ

መሕበር ሐካይም ኤረትሮፕ፣ እት የም 11 ጃንዋሪ 26ይ ናይ ሐል ወዕላሁ እት አሰመረ - ሆቴል አሰመራ ፓላስ ትሰርገል።

ርእሰ መሕበር ፕሮፌሰር ነጋሲ ሌኦኬ እተ አሰመዐ ከሊመት መክሰቲ፣ እት ናይ ሐል ወዕላ መሕበር ሐካይም ኤረትሮፕ፣ እት ዐቦት መጃል ሕክምነ ለረከበ ናይ በሐሰ ክቲብ ወወራቅ ዕሉም እብ አንፋር ክም ልትቀደም፣ እሲ ህዩ እት አምዕላይ ወራታት

ሙጅተመዕ ወምህነት ሕክምነ ዶር ዐበ. ክምሰልቡ ሸርሐ።

መሕበር ሐካይም ኤረትሮፕ፣ እብ ለትፈናተ አሰባብ ክእነ መሰል ወዕለ ኢወዴ ወቅት ብዙሕ ክምሰል አዶረ ለሐበረ ፕሮፌሰር ነጋሲ፣ አንፋር መሕበር ብሹል ውራቅ በሐሰ እግል ለአቅርቦ እብ መሕበር አትናያት ክም ገብእ እሉም ወደሐ።

እተ ወዕለ፣ እት ለትፈናተ አርእስ ዓፍየት ለልትናወል ውራቅ

ሕፍዝ እብ መኤምረት ክምሰል ትቀደም ተሐበረ።

እት ደንጎቤ መሻርከት፣ እት መትመዳድ መሕበር፣ ዶር መሕበር እት ሰን ደረጃት አንፋር፣ አሰባት ልጅነት ሕፍዝ፣ አዳለዮት ሸበክት ሐብሬ ወብዕድ እተ ልብል አርእስ ህድግ ወደው።

ምን ልትአሰሰ 30 ሰነት እድወር ለህለ መሕበር ሐካይም ኤረትሮፕ፣ ዝያድ 200 ነፈር ቡ።

ሰንዕ፡ እት አብደዮት ቅዌት ዛይደት ተረት እዳርዩን ትጠለበት

እት ሙዲርየት ሰንዕ፡ በርናምጅ ምህር አብደዮት ቅዌት ህደፋ እግል ልብጸሐ፣ መሰኡሊን እዳራት ደዋይሕ እብ መትሰባል እግል ልክደም ክምሰልዎም ተሐበረ።

እት የም 6 ጃንዋሪ እት መዲነት ሰንዕ፡ ለገአ ጊማም፣ ሙሸርፍ ተዕሊም እግል ዐባዩ እተ ሙዲርየት መምህር ኪዳኔማርያም ንጉሴ እተ ቀደመዩ ተቅሪር፣ እት 2024 እት ሰለሰ እዳራት ደዋይሕ ሐሰያት ምፍጋር ጸሓይ፣ እት 16 ዐድ እግል 495 መዋጥን ምህር እግል ዐባዩ ክም ተህየበ ሸርሐ።

ለበርናምጅ እተ ሐልፈ. ሰኖታት ለተአትናይት ፍገሪት ክም ትረከበት ምት እት ወድሐ፣ እት ድዋራት ረዩም ለነብር መዋጥንን በክት ተዕሊም ለረክቦ እተ አርደት እግል ትዋፈሐ፣ ለትኸሰሰ ጀህት እብ መቅርሕ እግል ትክደም ትፋኑ።

ናይ ዶሉ መሰኡል ውሕደት ከደማት እጅትማዕየት ሻብ ግርማይ ገብረሂወት እብ ተረቲ፣ ለበርናምጅ እግል ልትሰርገል ዶር ናይ ክሉ መዋጥን ምንግቲ፣ እብ ፍንቲይ መሰኡሊን እዳራት ደዋይሕ ተረቲም እግል ለአግዱ ትፋኑ።

መሻርከት እብ ተረቲም፣ ኢወጡይ ሐሰያት ምፍጋር ጸሓይ እግል በርናምጅ ምህር አብደዮት ቅዌት ተእሰር እኩይ ወዴ እቲ ሰበት ህለ፣ እት ክምከሞት ደገገት ዝያድ እግል ልትክደም፣ በርናምጅ አብደዮት ቅዌት እግል ልትደቀብ ህዩ አትፋዘየት እግል ልግበእ ትፋኑ።

ምግብ፡ ፈሬዕ ሰጅል ሸዑብ ሸቅሉ ለአሰፊ



ሰኢ. የናታጊ የዕብዮ

እት ሐንቴ እዳራት አቅሊም ምግብ ለከድም ፈሬዕ ሰጅል ሸዑብ፣ ደማን እጅትማዕየት ወአቅብር፣ መጋድዑ እንዴ አርሀ

አግቡይ ወራታቱ እግል ለአሰፊ እብ መትሰባል ከድም ክምሰል ህለ ሐበረ።

መሰኡሊ ፈሬዕ አሰይድ

አብርሃም ቴክ ምሰል ኤሪነ እተ ወደየ መቃበለት፣ ለልትህየብ ከደማት፣ ቃንጊያይ ወሳይቅ ተውሊደት፣ ህዳይ፣ ወፋት ወሕድጎ ክምሰል ሸምል፣ እት ሰነት 2024 እብ ጀሚዕ፡ 52,420 ውራቅ እሰባት ክም ተህየበ አፍሀመ።

እተ መአሰሰት ዝያድ 50 ሰነት ለከድመው ሸቃለ እብ ተረቲም፣ ምሰል ሰን ከህረበት፣ ኢቲ ኮምፕዩተራት ሐዲስ ወየመሞት ሐዳይስ ሸቃለ ሸባብ፣ አደጎት ሰብብ ለዐለ መጋድዕ ክም ረሀ ወደሐ።

መትነፈዐት እብ ተረቲም፣ ቀደም እሲ ምን ክልኤ ሳምን አሰክ ወሬሕ ወዝያዳሁ ደንገርት ልትርኤ ክም ዐለ፣ እትሲ ወክድ እሲ ሳኪን ለቴለል ክምሰል ሰነ እት ሸረሐ፣ መትሐሳር ለለአትሐዝዩ መሻክል ክምሰል ህለ ህዩ ሐበረው።

ሰጅል ሸዑብ እት ዐድኑ፣ እት ሰነት 1892 ክም አተ ወሳይቅ ለሐብር።

ወቀይ ዕያደት ጽረት ልትሐመድ

ዕያደት ጽረት ሙዲርየት ግንዳዕ፡ ዕልብ መትነፈዐት እት ዘይድ መጽእ ክምሰል ህለ፣ መሰኡሊ መአሰሰት ዓፍየት ሴድያይ ነርስ አሕመድ ሐጅ ሐበረ።

እተ ዕያደት ከደማት ቀደም ወሐቅ ውሳደት፣ ፍድኢት ተሐት ሐምስ ሰነት፣ ከደማት ፋርማሲ ክም ልትህየብ፣ መርዒት እም ወጅነ ህዩ መትሐሳር ዐበ. ክም ልትህየቡ ነርስ አሕመድ ሸርሐ።

ትሸቄ ለህሌት ዐመሲ ለጸነሐ እተ አካን፣ እት መንገፎ እም ወጅናህ ተረት ዐባይ ክምሰልበ ሐበረ።

እብ መጅብ ናይላ ገብእ ህለ አትፋዝየት፣ እት መጃል ዓፍየት ፈሀም ክሬ ሰብቅ ክምሰል ህለ ለሸርሐት፣ መሰኡሊት እዳራት ደዋይሕ ጽረት አሰይደ ዓሸ እድሪ፡ ሰካን እት ድዋራቶም ለሰርገሉ ወራታት ነዳፈት እግል ለአተላልዉ አትፋቀደት።

እግል ድዋራት ጽረት፣ ሼኽ ዑመር ወግጎምቡሳ ከደማት ለተህይብ ዕያደት ጽረት፣ ምን ግንዳዕ እብ ግብለት ምፍጋር ጸሓይ 8 ኪሎ ምትር ትረይም።

ኤረትሮፕ ወዕላሁ

ክል አርቡዕ ለትጠ'በዕ ጀሪደት

መዳልያይ፡-
- መሐመድ እድሪስ

ለይአውት ወአርተዖት
* ዘህረ ዐለ
* ፋዋን አደም

ተለፎን፡ 121797/07121322
ፋክስ፡127749፣ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመርት፡
ተለፎን፡ 125013፣ ዕ.ሰ.ቡ፡ 1284

ሸዑብ፡ እግል ሙዲርሲን ተእሂል ተህየበ

መክተብ ተዕሊም እት ሙዲርየት ሸዑብ፣ ምህነት መቅደረት አንፋር እግል ልወቅል እብ መቅደረት ናሱ ለነዘመዩ፣ እት እዳራት፣ ማርሐት ወማልየት ለረከበ ተእሂል፣ እግል ሙሸርፊን፣ ሙዲርን ወብዕዳም ተህየበ።

እግል ተእሂል ህበ መሰኡል ዕሉም ድራሰት ኡሰታዝ ጅምዕ ሳልሕ፣ ለበርናምጅ እግል እብ ሰብብል እት እስትንቡረት ድራሰት ለልትርኤ ተእኪር ወመናበረት

ሰብክ ወሰግም ለልትርኤ ደረር እግል ልትወርኪ ለአመመ ክምቲ እት ለሐብር፣ ለእግሉ ረክበው ደርስ ምሰለ ስምቲ ተጃርብ ለተአትናይት ፍገሪት ክም ትትረከብ ምት ለሰምተ ሰእየት ሸርሐ።

መሰኡል መዳርስ እተ ምዴርየት ኡሰታዝ ሙሳ አደም እብ ተረቲ፣ መናበረት ሰብክ ወሰግም፣ ክምሰልሁመ መትሐሳር ድሀር ናይ ዋልዴን ወደረሰ ምን አግደ መታክል ሄራር ተዕሊም ክምቲ እት ለሐብር፣ ለመሐግዝ እንዴ

ትፈረገ ሕሉል እግል ልትሰርገል እሉ ልትሸቄ እሉ ክምሰል ህለ አፍሀመ።

እምበል እሉ፣ እት መአንበት ድራሰት አካዳምየት ለልትርኤ ተእኪር ወደረራ እንዴ ትረኢ፣ እት 5 ናይ አወላይ፣ ምግባይ ወካልአይ ደረጃት መዳርስ ለገአ ሕፍዝ ፍገሪት ቀርቦ ወህድግ ገአ እቲ።

እት ምዴርየት ሸዑብ፣ ምን ረውደት አሰክ ካልአይት ደረጃት ለለአድረስ 23 መድረሰት ህለዩ።

10ኛ ክፍል

ድንግል ወመንደላይ

(ጀሪይ) “አቤ (እትዬ)” “በል እሰመወክ ህሌት መንደላይ።” በልሰት እት። እንዴ አትለ።

“አይወ ሚ እግል አብላኪ ሐዘኑ መሰለኪ? እሊ ለእትሊ ክሉ መካየር ካሬነ ለህሊ ዲሪር ለልትብህል መክሉቅ ኮፎ ለመሰል ክልቀቱ ገብእ!? በዐሉ ኢሰክብ ወኢላዓርፍ፣ ኢበልዕ ወኢሳቲ፣ ምን ብቆት ኢፈርህ፣ ወምን ሕሚት ኢለአትሃርብ፣ አድሓህ እብ ሀጋይን ወሰርቤብ ለሓልፈ፣ ላሊሁ እት መጋይሰ ወአኖካይ በዐል ሻሙ ገበይ ረያም ካትር፣ ወእት ብቆት አው ክደን አርወሐቱ ካየር። ክምሰሉን አድሚይይ ምንዲ ገብእ ምንኪ ወለዐል እሊ ሳኣላቺ ወበልሰ እቲ መሰለኒ። ላኪን ህቲ ናይ ክርሰነ ሸዑር ሰበት ገብእ እግልኪ እትሰአል እቡ ህሌቱ። ሕነ አዘ ሐሰብኪ ወዐይብኪ ለእግል ጋይሳም ለህሌነ መሳፈት እግል ረአይ፣ ወለ እት ህሌነ አካነት ትፋጠኒ፣ ወለ ምሰልነ ህለ አው አምራ፣ ክለ ሓለትነ እብ ክሌብ ብቆት ተ ለትክለብት፣ ቀቢት አርወሐት እንዴ ገብእት ትትርኢኪ። ኮንዶ አትዳቅብ ህሌት ኢመሰለኒ!? እት ቤት ሐየት እንዴ ትገሰነ ሐቆ ጊሰነ፣ እብ አሰ ብቆት ሻሞ ክምሰል ህሌነ ህይ፣ ሸክ የህለ እግልዬ አናዲ” ቤለየ።

(እትዬ) እት ብህሉ ምሰል እት አልባሎም ወሸዕ ለዐለ ሻሞም እት ትትመጣውሩ እንዴ ዐለት ክምሰል ረኤቱ በህሉ አማን እት አካነ ክምሰልቱ እክድት እት እንተ፣ እግል በርህቲ ዳምቀት ለዐለት ወሬሕ እብ ፈናጂል መሰለ ዕንታተ እት ተአትቃምት፣ ክልአት ኮከብ እብ እትጀህ ቅብለት ወድቆ ሰበት አቅመተቶም ረአየ አሰኮም ትደለለ ምን። ፈጀአተን አድኖኔት ምን። “ሚ ርኤኪ (እትዬ)? ቤለ ከትሰአለየ። ለለአትባርህ ለዐለ አንድይ፣ እት አሕድ ጸብጠቱ።

እንዴ አትሌት ‘አይወ! ክልአት ኮከብ ወድቆ ርኤክምም። እግል ሞት ፍቲያም ቶም ለወድቆ ልትብህል፣ ኮንዶ እት ወድቆ ክምሰል ርኤክምም ገኖብቺ ሸዐለት ምን ወድቀቶም። እት ደሚርቤ እኪት ትሰወረት እግልዬ። ረቢ ካርዐ ልግበእ ምንበር ፍቲ። እሊ እት ቤቱ ዓይራሙ ለህሌነ ድራር ሐቲ ላሊ እግል ኢሊዳነ ፈርህ” ቲሉ። ክምን ወድቀቶም ርኤት ክልአት ኮከብ እት ድግሞም አቅባለት እግል።

እት በህሉ እግል ትብለሱ እትትሐዘኪ ብርድ መክሩህ እቡ ሸዐረት መሰለኒ። እግል ዶቲህ ምን ሕነ መሃይ-ትብለ እንዴ አፍገረቱ ክለዐል እት ረአሰ ረፍዐቲ። ለእቲ ዐለው መሓዝ እብ ዐለ እቲ ድብዕ ወአሰዕር እብ ነደ ወቅርሲሰ ከትከት ቱ ልብል ለዐለ። ለእግሉም ዳርክ ለዐለ ዲሪር በዐሉ ብርድ ኢልርኤ ወምን ጸሓይ ሐጋይ ኢለአትሃርብ እንዴ ኢኮን ፋጥን ላቲ እት ለህቶም እግል ዕድም ፍኩባም እት ለዐለው አካን አላህ ዓልም ወኢመጽአ። ምን ዐለ እት አው ከደን ወኪን፣ ጠቢዕት ተሓርቡ።

እንዴ አትሌት ህይ፣ ክምእኒ በሊሰ ሀብቱ። “አይወ! (ጀሪይ) ጸብሕ ምድር” (ጸብሕ ምድር) አተባቀረቱ እግሉ። “አማንካቲ ኮንዶ እንዴ ኢኮን አናመ ዲሪር ምን ደም ወሰን ክምሰሉን ክሉቅ ምንዲ ገብእ! መሰሉልየትን ወአርፈዐኩህ። ሕነ ክሉ እግል ክሉ እግልነ ለመሰል አዳሚይይ እንዴ ትዕዳነ ወትፈንቴን፣ እሊ ሕነ እት አፊት ሞት ንግፍ ብቆት ትካጠፍን። ፈርህት፣ ትዐብት፣ ክርባት፣ ጸምእ፣ ሰፍረ፣ ተዐብ፣ ማብ፣ ትርሃን፣ እብ ረአየት ፈታይኪ፣ እብ ጠዕም፣ አማን፣ ዕርፍ፣ ራሐት፣ ጸጋብ፣ ረህየት፣ ልትብደል እግልኪ። እብላቲ መሰለኒ እግል ክሉ እሊ መክሩህ ላቲ እት ሰኔት እግል ልትብደል እግልኪ እግል በዐል ሻሞክ ገበይ ረያም ለትካትር ወእት ባብ መካየር ለትከብ። እግል ንሸርሐ ለኢንቀድር እት ሸግዶት ዲሪር ክምሰል ትወሸቅን እቡ እንሸር። እብ በይነ እብ ፋቀዲቶ ፈታይነ ንትመተሱ፣ ሐቆ ትራክብክ ህይ እት አብሐር ፈርሐት ወለውቀት ነሐምሰ። ጋመት ለህሌት አትምመ። አነ ዐደድ ፈሀምዬ ወአምርቤ እቤሉ” ቲሉ። ከእብ ሐዲሰ አሰክለ ክልአት ኮከብ ወድቃም እብ ርኤኖቶም ለዐለት ጀህት አሰክ አትቃመተት።

(ጀሪይ) እንዴ አትለ። “ለእግሉም ትብይ ለወድቀው ክልአት ኮከብ፣ ረቢ ሸርም ልክለኢኒ፣ አናመ እሊ በህልኪ እት ደሚርቤ ልትወሰወሰ እግልዬ ዐለ። ላኪን ሐቆ ክልኤ ዕንተ እብ ዲሪር የረየ፣ ወአልባብክ ምን መሰከበን ዐርባየ! ሚ ህሌት መሰለኪ”!?

ወክድ ትሉሉይ ሄራሩ አተላላ፣ ለእት ባካት ነብር ገቢልመ ምሰል ሐናት ዶል ሰብከው ወዶልመ ሳገመው። ሰብ ርዕዮ ሳብት መሰከብ ሰበት አለሎም (ጀሪይ) እብ ሓሁ ሐን ምርት ሰገመ፣ ወካልእ ወክድ ሰብከ፣ ዶልመ እት ልምሰል (እትዬ) ዐቅድ ሻም አሰረው እቲ ወድግ ጸብረ አቅባለ። እግል ክል ዶል ፋቲ እት ምሐዋ ወአብሐር ዝክርያት ቱ ለበዝሐ ወቅቱ ላሊሓልፍ። ክለ ልምሰል በዐል ዲሪሩ ሓለፈየ ሰኔት እብ ሰኔት ፈቅድ፣ ወእኪትመ እብ ክል ጫባበ ትካየለት እሉ።

ዐድ (እትዬ) ክምሰል ርዕዮህም አፊመው ወአቅረበው። ልብ ወለቶም ላቲ ምሰል ዐደ እንዴ ኢለአረይም ወኢለአቀርብ እት ብክር ሻሞ ምሰሉ ለመሐለ በዐል ሻሞ ለመሐለት እት አክረመ ወሓገ፣ አወለ ወአልሐተ፣ ዐደ ለእግል ጌሰው ምንዲ ገይሶ፣ ተሐት ምንዲ ትደሀር ከሮረት ናሮ ምን በጽሐው፣ ወለዐል ምንዲ ትወቀለው፣ ከክምሰል ሸንሂተ ወምራይ መካፍፍ ሮራብ ግልሰ ምንዲ ትወቀለው ምን ምግሳይ ድንግል ወመንደላይ ፈርህት እንዴ ኢተአውዕለ ወትባበት ላሊ ላሊ እት ሳባት ትመጽአ ዐለት።

(ጀሪይ) እንዴ ኢኪይነ ወኢጠልም ክሉ አሰብር እንዴ ትዓደ ምሰል ሸበት በዐል ሻሞ ወሰራይ ልቡ ክምም ቱ ገብእ እት ለዐለ ምሕል ድንግል ወመንደላይ። እት ክል

ምሴት ላኪን ሐንገሉ ለሸሸር ጋር እግል ዲመ ምን ልቡ ባዲ ኢለአምር። (ደሐን ዲማተ ወብቆት ሐቲ መዕል) ለልብል ብህል ትቅብ ቱ ልብል እቲ ለዐለ። ህቲ ህይ እሊ እት ቤቱ ምሴት ምሴት ለዐይሮ ለዐለው ሐየት፣ እብ ፍንቲይ እት ረአሰ (እትዬ) ቀደም ምጽአቲ መጸአተ ሐቆ ሸፍገት፣ እት ተልገ ብቆት እግል ኢትትከሬ ተ ለዐለት ፈርህቲ።

ክሉ ወድሚን አደሚ ለእግል ሐብዐ ምንዲ ለሐብዕ ወሰትር እት ምልዐል ምድር ለትጀራ እንዴ ኢትትደገም፣ ወኢትትርኤ ወኢትትሰመዕ ኢትወዕል ወኢትትመቼ። ህቶም እግል ኢለአምር እቦም እብ መዐየን ዲሪር እትሊ አው ከደን ነብር እቲ ለዐለ መሓዝ እት ልትሐብዖ ህድጎም ወድግሞም ላቲ ሰሕል ወአውላት ሰብከት ወሳገመት።

ገሌ እብ መዋዲቶም እት ረግሞም ሰርመ እብ ሐጠሮም እብ እግል ህጅክ ወመትራካብ እንዴ ቤለው ለሐረወ



አካን ግወይ በልቃይ ወእት ክባሎም እብ ዐቢሁ ሐየት እት ልተርአሶ እት ልትፈክር ሲይረቶም ረፍየ ለዐለው። ክሉ እሊ ለእሎም ለሀደግ ወልውዕድ ለዐለ ህይ፣ እግሉም ጋን ቱ ለዐለ። እምበለ እት አልባሎም ለሐቼ ለዐለ ሻሞም አመት ምርት ወድያም ኢለአምር።

እማት ለእቲ ገይሰ ሳልፍ እብሎም ክልአት አብጽሐት እንዴ የሀድገየ እቲ ኢመጽአ። (ዬ!) ማይ ጋብአት ትግበእ ለበዐል አክይድሰ እሉ ላሊ እግል ህጅክ መንደላይ ጀህራይ እት ቤት ሐየት ትትመቼ ህሌት ቤለው። ምንተ ገብእ አክጀህ ትግበእ? እት ትብል ሐቲ ትሰአለት ምንዲ ገብእ።

ለቅብላተ እት እት በልሰ “እሊ ኬልም ደንግል (እትዬ) ለእት አክይ ፈን ልርከበ። ክፍኢ ትጽበጠ! ክምሰል ክፍኢ ጸብጠተ ለህሌት። የሀደ ስምዐ ወሰለመ ወያሉ ብልዐፎ በለ። ወለት አንሳይት አሰር ወድ ተብዐት ተአምሆልል ርኢያመ ይሕነ ወሳምዓመ። ሰዐነ ወትሰለም። እንቲ ለዐስተር ሐዋጠ። ወእንተ ለምድር ሰተር። ሐቲ ላሊ ድራርሰ ምሴት ምሴት ቤቱ ትዳየር ለህሌት ሐየት እግል ትግብአቲ። ዬቡ ሕትክን እግልክን ርኤት። ዓረ ልትጠቄ መክረህት ደንግል” እት ልብላህ ምን ሕሚት (እትዬ) እብ ፍንቲይ ኢወዐለየ።

ሐምየት (ጀሪይ) ኢሐ-ዳም እቲ የዐለው። እት ፍረሕ ወክርህ “ዲሪርመ ግድም እት ተልገ ኩሩይ እግሉ አለበ። የም ዓመት በዲር ስምዕት ለኢኮን ወድግምት ትትደገም እንሰምዐ ወእንርየ ህሌ። (ጀሪይ) እብ ስሜት ዲሪር እት ሐንቲ ዐንደለት ደብዐት ቅራብ ወደግ ጸብረ እግል ሻሞት እንዴ ነጻፈ፣ ክህቲ ወድንግል እት ልትመየው ህለው ቤለው። ያረቢ እት መጽአት ሓይሰነ። እሊ

ትትረፍዕ ወትትከሬ።

ላመ ላሊህ ብቆት ወቅተ አሰክ ተምም ጸንሐት ዐለት። መዓደ ክምሰል ተመ ክማም ገብአት እቶም። እሎም ክልአት ሰብ ዲሪር ሐቲመ ላሊ ትግበእ ሐቆ ሻሞ አሰሰው ምን እሊ አዘ እሎም ትትሰሚ ለህሌት አካን (ድንግል ወመንደላይ) እብ ስሜት ረቢ ኢምሱያም ኢለአምር፣ እሊ ነገር እላመ ክምሰል እት ትግርኝ ትትመሰል (ክም ቀደምክን ይመሰላክን ወሕጅ የወሰደክን) ላልትብህል መሰል። (ክምሰል በዲርክን መሰለክን ወሐዝ ነሰአክን) ልትብል መሰል (እትዬ) ቀደም ምጽአት (ጀሪይ) ክምሰል ልሙድ ወዳየ እት ልብ ሐቲ እንዴ ኢተአትዋይን እት አካን ለእብ ገለድ ዲሪር መሐለው እት ተለው ትቤ። እሰልፍ ምጽአተ ክምሰል በዲር ገኖበተ ኢትፈሰሰት። ጭገረተ ርብት ወኩርብት እት እንተ፣ እት ልብ ህንዳጌሁ ምን ቅያሰ ወለዐል እብ ክልኤ እዝ እት ትሰምዑ። ግርብ እብ ድየዕ ሐ-ዳር ምን እት እንቲ (ደሐን ዲማተ ወብቆት ሐቲ አምዕል) እመ እት መሰል ትሰምዐ ለዐለት ቀደም ሞተ እት እዝ ምሰል ለአፈርህ ዱመት ሐየት እግል አክር ዶል ለፈቅደተ ዘዐት ትዕሰ ተ ለዐለት። ላኪን ለጄሬት ሰበት ጀሬት ለትገብእ ሐቲ የዐለት።

ዲሪር አማን ምንግቱ እብ ረአሰ አሰ ብቆት ሳይር ሰበት ዐለ። ለኢደሐን አምዕል ምን ጸብብሐ እምበል ጎማት ክማም ገብአት እቶም።

(እትዬ) እሊ ምሴት እሊ ለትሻምለ እዴ ወእግል ሰኔተ ለልተምኔ ልብ ኢጸንሐየ። ክርን ልብ ለልትሸወሽ ምን፣ ወሰረት ገኖበት ልትአሸዐልል ወትትተት ምን፣ እግል ረኤት ወሰምዐት። ፈርህት ለኢትሐልፍ ወኢትትዳገም ምሰል ትዋጅህት። ሐየት ነግሞቱ እንዴ ሰሐለ እግል እግል ትብለዐ ኢኮን፣ እግል ትግካሓመ (ማሸአሊህ) እንዴ ኢትብል ነፍሰክ ለኢተአረዴ እብ (እትዬ) ክምሰል ክኖየተ፣ ወሰዕደት ክምሰል ስሜት ቀጥፈተ፣ እግል ናጀሮተ እብ ፈርሐት እት ልትደርክ መጸአየ። እት ባካት እንዴ ውዴት ለለረደአ ክምሰል አለቡ አምረት ሰበት ዐለት እግል ትቀሰመት እግል መራር እት እንተ ሐለተ ቅብላት ሐለት ሐየት ሰበት ኢትትመጣወር ለእግሉ ወዴት ጀርቤታት እግል ለአንገራ ኢቀድረ።

ሐየትመ ሚ ክምሰል ትሳድፋ እንዴ ኢደሌ ሕሹም ቀበት (ደብዐት) ሰበት ቲ። ለእት ላሊ ለህ ራክብ ለዐለ ዒቶት እብ ለእግል ቡ ጅብት ወሕሸመት ሐዋናት እንዴ ሐሰበየ እብ ፈርሐት እት ልቡ ሐ-ዳይመ ልግበእ ፈርህት እግል እንዴ ኢልትሰወር፣ እምብል ረሐመት ወፈርህት ክትፈት ክምን ክትፈተ ፈለየ ወፈንተየ። ለምሰሉ ዐለት አንሳይት ሐየት (ገመኔ) ገጽ እንዴ ኢለህይብ እግል ኢትትሓወል ምሰሉ ምን አካነት ትዳገዥ ወወዥ። ረአየት ፈታይ ወበዐል ዲሪር እንዴ ኢትረክብ እግል ናይ ደንገብ ሰርሓህ ምሰል መክሩህ ሐየት እንዴ ትዋጅህት እዲን እግል ዲመ አልዳይም ግራህ መጤተ (እትዬ) መንግላይት።

ካቲሙ - እስትዕማር

ሓይላም ወሓይላት ቁርክት ዲብ ሐልፈው አውካድ ታሪክ ንዳል ሸቦብ ኤረትሮፕ እግል ልትወሰቅ፡ እብ ገብአ ጸገም ተጃርብ ንዳል ድድ እስትዕማር ለሌላኬ አክትብት ብዙሕ ትኩተቡ። ምር ምን እሊ አክትብት እሊ ህዩ ለናይ ደንጎብ ሐርብ ተሕሪር ለከሰሰ ካቲሙ ለልብል ክታብ ቱ። ዲብ እሊ ክታብ እሊ ብዙሕ ለለትዕጅብ ወለለትሐብን ቅሰሰ ክቱብ ህለ። ቀደመ ቅሰሰ ላኪን ኸልፍየት ናይሊ ናይ ካቲሙ ሐርብ ሚ መሰል ዐለ። መርሐላት እብ መርሐላቱ እግል ንርኤቱ ከእግል የም 9ይ ክፈል

ለናይ ካቲሙ ሐርብ

ሐቆ ተሕሪር ጠያ ዲብ ሸቦብ ዲብ የም 7 ማርስ ሄራሩ እንዴ አተላላ። ዲብ የም 8 ማርስ እግል ማርስ ዕዳ፡ 150 ኪሎሜተር ምን ዐሰብ ሃጀመ። አባይ ሻፍፍ እቱ ለዐለ ብዙሕ ለልትአመር ሰበት ኢዐለ ዲብ ሸቦብ እብ ሰካንላ ድቀራት ዲብ ልትመረሐቶም ዲብ ከዋ ዘብዋ ለበጽሐው። እግል መደት ክልኤ ሳዐት እበገብአ ሐርብ ናይ ምድር ወበሐር ተንሰቅ ህዩ። ዲብ ሸቦብ እግል ዕዳ ጸብጠ። ዲብ ሐርብ ዕዳ ሰለሕ አባይ ራፍግም ለዐለው ኤረትሮፕ ምስል ዲብ ሸቦብ ሐብራም ዐለው።

ዲብ ሸቦብ ለአሰክ እል አምቡተዋ ዐመልየት እንዴ አተላላ። ዲብ የም 14 ማርስ እግል አፋምቦ፡ ዲብ የም 29 ማርስ ህዩ፡ እት ረአሰላ ሄራር ዲብ ሸቦብ እግል ልትክል ዲብ ቦርሐኖ ወአርዐኖ - ሐድ 100 ኪሎሜተር ቅብለት ምውዳቅ ጸሓይ ምን ዐሰብ ዱሉይ ለዐለ ዲብ አባይ በርቃይ ህጅም እንዴ ሀረሰ። እግል አካናት ጸብጠ። አባይ ዲብ በርዐኖ ወአርዐኖ እግል ልዳፊዕ ለቀረረ እብ ሰቡብ፡ ለአካን ጸባብ ወመሐናቅ ሰበት ገአት ቱ። ዲብ ረአሰ እሊ ዲብ ሸቦብ ለእብ አድብር ውቁል ለትክለላ ጋድሞታት ማብረ እንዴ ተዐደ፡ ሐወርም በርዐኖ ወአርዐኖ ጸብጠ ምንገብኤ፡ ዋዴ ወበይሉል እግል ልጸብዋ ክምሰል ኢሊሐይሉ አባይ ፍህሙ ዐለ። አባይ ዲብ እሊ ሐርብ እሊ ቅወቱ እንዴ አደቀብ ምንመ ዳፊዕ፡ ዲብ ሸቦብ ለአሰክ ትግራይ ለካድአየን ቦጦሎኒታት ሐለተን ድዲፊት እት እንተ ምንመ አቅብለዮህ፡ ብዕዳት አርባዕ አግር ቦጦሎኒታትመ ውሰካት ሰበት ዐለየ ሐሊቱ ሸባህ ደሐን ዐለት።

ቅወት በሐር ጅብህት ሸዕብየት እብ ጀህተ፡ ዲብ እሊ አምዕል እሊ አሰክል ዲብ ገዛይር ደህላክ ለዐለ ዲብ ደርግ ማይ ወሴፊ እግል

አብጸሐት ለተሐረክ ሰለሰ መራክብ ሐርብ አቶብዩ፡ ዲብ ግንራራብ በሐር ግብለት ደንካልየ እንዴ ሃጀመት እግል ሐቱ ምን መራክብ እንዴ ዘብጠት አንደደ። ፈጅራተ ህዩ ውሕዳት ምዳድ ዋያራት ጅብህት ሸዕብየት ሐቱ ሚግ 23 ዋያረት ሐርብ እንዴ ዘብጠየ አውደቀየ።

እብሊ ምንክብ ለኢሊህይብ ተጠውራት እሊ፡ ለትብጭብጫ ዲብ ደርግ፡ ዲብ ባካት ዐሰብ ወምፍጋር ጸሓይ አቶብዩ አግር ዲብ ወመከናይዝድ እንዴ ሐየብ እግል ዐሰብ እግል ልዳፊዕ ቀረረ። እብሊ ህዩ፡ ዲብ አሰመረ ለዐለ ክፈል-ጦር 17 እብ ዋያራት እብ ሸፋግ አሰክ ዐሰብ ደንክዩ። ምን ኡጋዴን ወሕዱድ ሶማልመ 45 ደባባት ለተዐንደቀ መከናይዝድ ክፈል-ጦር አሰክ ደንክል እንዴ አገዐዘ ዲብ ባካት በይሉል ሸፊ። እብሊ ህዩ ሚዛን ቅወት አባይ ትብደለት። አባይ ለዐለ እሉ ናይ መዋሰላት ወውጡይ ከዋ እትሳል እንዴ ትካፊዐ ሐሊት ዐባይ ወሰክ ዲብ ህለ። ዲብ ሸቦብ ላኪን ለወሰከየ ቅወት ሰኒ ሕድት ዐለት። ዲብሊ ቀደመ ለገብአ ረዩም ወመታክል ለበዝሐ እቱ ሄራር ወመዓርክ መሪር ሰባት ወመጸምእመ ብዙሕ ሃለከዩ።

ጸብሕ ምድር የም 31 ማርስ፡ ዲብ ሸቦብ ዲብ ዋዴ እት ረአሰላ ሐሊቱ እትሩድ ለዐለ ዲብ አባይ ህጅም ሀረሰ። አባይ ዲብ ሰልሰላታይ አድብር ዋዴ እንዴ አውተደ ይእትክሬ ቤለ። እብ ፍንቱይ 17ይ ክፈል-ጦር፡ ዲብ አካናት ብዙሕ ምስል ዲብ ሸቦብ ለተሓረበ ተጃርብ ዛይድ ለዐለ እሉ ሰበት ቱ። ብርጌዳት እት ባድል እብ ክለ ሐሊቱ ተሓረቡ። እግል መደት ሰለሰ አምዕል ህዩ ሐርብ ደመዋ አተላላ። ለቴለል ሸቀላት እግል ልክለቅ አምቡተ። እብሊ ህዩ ምር እግል ለዐውት ለቀድር ብሰር ሐርብ እግል ልትኤተን ላዘም ገብኤ። እብሊ አሳሰ እሊ ለዲብ ዋዴ ወድቀራተ ለዐለ ዲብ አባይ እግል ደመርት እብ ለሐሰት ገበይ ለዐለት እቱ ድገለባይ እንክር ደባባት እግል ለሓልፍ ለቀድር ገበይ እንዴ ሐዘኩ፡ አግር ዲብ ወደባባት እንዴ አቴክ ለአግደ ናይ አግርህ ገበይ ዋዴ በይሉል እንዴ ቡተክክ እብ ሰምዋ እግል ልትዘበዋ ትክጠጠ። ዲብ የም 2 ኣፕሪል ህዩ 6 ደባባት፡ ሐቱ ቦጦሎኒ ፓረኩማንዶ ወቦጦሎኒ ረሻሻ ናይ ሰምዋ ህጅም ሀረሰዩ። አባይ እብሊ ኢትጸበረዩ እትጀህ።

ዘብዋ ክምሰል ትክሰተ እቱ እብ ሸፋግ ትብጭብጫ።

ሐቆ እሊ፡ ዲብ ሸቦብ ዲብሊ ሰዱድ እግል ልግበእ ቀድር እንዴ ትብህለ ገሙም ለዐለ ሐርብ በይሉል አተ። ለምን ዐሰብ 60 ኪሎሜተር ራይመት ላተ እት ግንራራብ በሐር ለህሌት በይሉል፡ እብ ሻፍቅ ዐርኮኮብ ለትገልበበት ተ። ለሻፍቅ ዕጫይ ላኪን እግል ተሃጀም ቅወት ሴድያይ ይዐለ። ምናተ ዲብ አባይ ለዐለ እሉ ብቀዕ ጀዋንብ እግል ልትካፊዕ እብ ኢቀድረ። ዲብ ሸቦብ ዲብ የም 6 ኣፕሪል እግል በይሉል እንዴ ህጅም ጸብጠዩ። አባይ ህዩ፡ ምን በይሉል እንክር ግብለት ምፍጋር ጸሓይ ዲብሊ ህለ ስትራተጃያይ አካናት እንዴ ጸብጠ ሰዋትሩ ሐጠጠ። ዲብ ሸቦብ እብ ጀህቱ በይሉል ግራሁ እንዴ አትሉ፡ ናይ ድፊዕ ከዋ አሰሰ። ምን የም 9 ኣፕሪል አሰክ 25 ማየ 1991 ህዩ፡ ዲብ አባይ ሄራር ዲብ ሸቦብ እንዴ ከርዐ ምን ድቀራት ክምሰል ረይም እንዴ ወደ ዐሰብ እግል አድሐኖት፡ ዲብ ሸቦብ እብ ጀህቱ፡ ዐሰብ እግል ሐረርት ለለአቀድሩ ምህም አካናት እግል ራቀቦት እግል ሐድ ወሬሕ ወክልኤ ሳምን ናይ መጃገረት ሐርብ አተላላ።

ምር ምን አህዳፍ ፊራር ደንክል፡ ካልኣይ አብዮታይ ዲብ ደርግ፡ ሐሊቱ ወእህትማሙ ክምሰል ልትካፊል እንዴ ወዴኩ፡ ምን እት



ጀብሃት ግብለት ወግንደዕ እሸፋፋ ለዐለ ክፍለ-ጦራት አሰክ ደንክል ክምሰል ለአተጃህ እንዴ ወዴክ እግል ናይ ደንጎብ ካትመት ሐርብ ውጡይ ቴለል ከሊቅ ዐለ። ክምሰል ትሰተተዩ ህዩ ደርግ፡ እግል ክፍለ-ጦራት 17፡ 22፡ 21 ክምሰልሁመ ብርጌዳት ብዝሓት፡ ፍንቱይ ኮማንዶ፡ መከናይዝድ ወድብዕድ ሃይበት ሰዳይት ውሕዳት እብ ተርተረት አሰክ ደንክል አገአዘዮም። እምበል እሊ፡ እግል እት ከርስ አቶብዩ ለሄርር ለዐለ ዲብ ወያኔ ወጀብህት ሸዕብየት እግል ክርዐት፡ ክፈል-ጦር 14 አሰክ አቶብዩ ክምሰል ልግዕዝ ገብኤ።

ፊራር መዐደይ ሕዳድ መዋ-መጦረ ዲብ ኤረትሮፕ ገብኤ ለዐለ መዓርኩ ውሕዳት ወያኔ እብ መከናይዝድ ክፈል-ዲብ 74 ጀብህት ሸዕብየት ሰዳይት ዲብ ገብኤ እለን ዲብ ቀበት አቶብዩ ሸፍ ትሩድ ገብኤ ዐለ። ውሕዳት መከናይዝድ ክፈል-ዲብ 74 ምን



እት ሰነት 1989 ለገብአ ህጅም ሰርጉል ሸሬ እንዴ አምቡተ ዲብ መጦር አግር ዲብ ወያኔ እንዴ ገብኤ፡ ዲብ ክፍለ ሃገር ወሎ ዲብ አለማጠ፡ ቆቦ ወወልድየ ዲብሊ ገብአ ምህም ህጅማት እንዴ ሻረከው አሰክ ጀብህት ውጫሌ ወደብረታቦር ባጽሓም ዐለው። መከናይዝድ ብርጌድ 23 ህዩ፡ ዲብሊ ናይ ደንጎብ ፊራርታት ዐባይ እግል ትሻርክ ዲብ አወላይት ሳምን ናይ ወሬሕ ጃንዋሪ 1991 ዲብ አቶብዩ አቴት። ምስል አሰልፍ ዲብ አቶብዩ ለዐለ ውሕዳት ኮማንዶ ጀብህት ሸዕብየት እንዴ ትመቅረሐው መሃም እግል ለአግዱ ወቅት እንዴ ኢነሰእ እግል ፋዬሕ መዓርክ ዲብ መዳሊት ትጸመደ። መከናይዝድ ብርጌድ 23 እብ ምር ቦጦሎኒ ደባባት፡ ቦጦሎኒ መድፊዕ፡ ቦጦሎኒ ረሻሻ ክምሰልሁመ ምዳድ ደባብ

ዲብ የም 20 ፊብራይር ህዩ ምን መገባሰ አካባቢም ተሐረከው። ንፋሱማውጫ ወክምር-ድንጋይ ለልትብህል ነኣይሽ መዳይን እንዴ ሐልፈው፡ እንክር ድማን ወድገለብ ህጅም ዲብሊ ትፈንቱ ጋሳይ ለትብህል ንኢሽ ዐድ አተው። ዲብ እሊ አካን እሊ ለተህጅም ቅወት ዲብ ክልኤ ክፋል ህጅም ትገመዐት። እብ ጀህት ድገለብ መርበይ ህጅም ለትየመመ ውሕዳት፡ እሰቱ ዲብሊ ትትብህል ዐድ በጽሕ እት ህለ። እብ ጀህት ድማን ህጅም ለትየመመ ውሕዳት ህዩ እብ ደብረታቦር እንዴ ሐልፈ አሰክል አግደ ከዋ ባህርዳር-ጎንደር ለለሐልፍ እብ መዳነት ወረተ አተጀህ።

ዲብ የም 23 ፊብራይር 1991፡ ዲብ ወያኔ ወመከናይዝድ ወኮማንዶ ጀብህት ሸዕብየት ከዋ በህራዳር ጎንደር እንዴ በትከ ህጅም ትሩድ ጠለቀ። እብ ጀህት ድገለብ ለተሐረክ ለዐለ መከናይዝድ ቅወት ወአግር ዲብ ወያኔ፡ ዲብ ጋድም ሃምሲት እንዴ ተሰርሰረ ምስል ዲብ ጸንሕ ዐሰርታት ደባባት ድቁብ ናይ ደባብ እብ ደባብ ሸፍ ሐቆላ ወድ፡ ዲብ ዕሰኩር ለዐለ ክፋል ዐቢ ናይ ዲብ ደርግ እብ ተማሙ እንዴ ደውሸ። ዲብ የም 25 ፊብራይር መዳነት ባህራዳር አተ። እብ ጀህት ድማን ለተሐረከት ቅወት ህዩ፡ ምን ወረተ እንክር ምውዳቅ ጸሓይ ከዋ ጎንደር እንዴ ጸብጠት እግል መዳነት አዲስ ዘመን እንዴ ሐረረት ገጽ ቀደም እት ትትህርብ ጎንደር አቴት። ሐቆ እሊ ዲብ ወያኔ ወጀብህት ሸዕብየት፡ ዲብ ክፍለ-ሃገር ጎጃም ለህለ ዱርቤቱ፡ ዳንግላ፡ ቡሬ፡ ፍፍቴ-ሰላም፡ አምኑኤል፡ ፓው፡ ለለትብህል ሸብህ መዳይን፡ ክምሰልሁመ መርከዝ ተድራብ ብርሸለቆ እንዴ ሐረረዩ፡ አሰክ ዓሲመት ጎጃም ደብረማርቆስ ለህለ ፋዬሕ ባካት ጸብጠዩ። አሰክል እግል ክፍለ ሃገር ጎጃም ወሸወ ለፈንቱ ነሀር አግደ (ኒል አልአዝረግ) እንዴ ትቀደመየ ህዩ፡ ዲብ ደጀን ለትብህል አካን ሸፊዩ። እሊ “ፊራር ቴድርብ” ለተምበሉ፡ እግል ክፈፍል ሃገር ጎንደር ወጎጃም ዲብ ሐንቱ መራቀብት ወያኔ እግል አተየት ለአመመት ዐመልየት ሐቆ ናይ ክልኤ ሳምን ለኢለአትካርም ህጅማት ዲብ የም 8 ማርስ እብ ተማሙ ሀደፋ በጽሐ።

ወዋያራት ሚሳይል ለጸብጠየ ውሕዳት ለትከወነት ዐለት። እሊ ውሕዳት እሊ ምዳድ-ዋያራት ሚሳይል ለጸብጠየ ውሕዳት ለትከወነት ዐለት። እሊ ውሕዳት እሊ ዲብ ከዋ ወልድየ-ደብረታቦር ዲብሊ ህሌት ሸብህ መዳነት ገርገረ፡ እግል ምር ወሬሕ ሰለሕ በህለት ደባባት፡ መዳፊዕ ወረሻሻት እግል አዳለዮት እምበል ዕርፍ ዲብ ክቡድ ወሀላክ ላቱ ወራት እንዴ ትጸመደት ሓለፈቱ። መዳሊተ እንዴ አሰፊት ህዩ መሃመ እግል ተአግዳ ዳሌት። ዲብ የም 4 ፊብራይር 1991፡ ውሕዳት ሰለላ ወያኔ፡ እብ ሰበት አግቡይ ጸብጠት ደቅብ ወመትመዳድ ሰዋትር ዲብ ደርግ፡ ብዝሐ ወትዕየት ሰለሕ፡ ሀውየት ውሕዳት አባይ ወለህለ እቱ መርበይ ህጅም... ፋዬሕ ወእብ ተፋሲል ሐብሬ ክምሰል ተሀየቡ ዲብ መገባሰ አካባቢ ዲብ ሳልፋይት ደረጀት መደጋግ ክምሰል ጸኔሕ ገብኤ።





ንጉሥ ሀይለሰላሴ እና ጅነት ምን ለሀሌ፡ ጀህኑብ ኢህሌት በለኒ! (4ይ ወናይ ደንገብ ክፈል)


ሐቴ ቅሶት ምን ክታብ ያነ ወበሰክዲረ - ፊነ ዲብ ደገገት ሰንሐት - 1970-1971 እብ መምህር ነጻረኡብ ኣዛዘ



እተ ሐልፊ ሳልሰ ክፈል ለተንክኤል ልጃም አሰር ጸዋህ አሰክ ሱዳን ክም ለጅኡት ወሐቆ 10 ሰነት ዐለዮ ሐቆ ሕርየት ዐደ እንዴ አቅብለት ዲብ ሐጋት ክም ሰክነት ረኤኤ፡ ለእቡ ትሰኣል ወተኣተንትን ለነብረት ክብርም ሐሃመ ክም አሰተሸሀደ ወሸሃደት እሰትሸሃዱ ላባ ወረቀት እት ረአሰ ዐራተ እንዴ ሰቅለተ ክም ምሰለ ሀለ እት ተኣተሃጅኩ ትነብር ክም ሀሌት ቀርኣኤ፡ ቴሰል ለብሳም አንፋር ዓይለት ሀይ ከአፎ ገብኣ፤ እሊ ራቤዕ ወናይ ደንገብ ክፈል እግል ልከምክሙ እናቴ።

ገብርሂውን ልጃም እት መደት ፊነ በሰክዲረ ምሰል ሐዉ መድሕን ወዕቅቡ ዲብ ደዓራ፡ ምሰል ዐድ ዲፖንገቴ (ጥልዲ በዐል እሰትሰማራት) ሸቆ ሰበት ዐላ፡ ዕያሉ በዲሩ ከረን እትሕዱሩ ጸንሐ ከምን ከሌዕ ፋሌሕ ርይም ብህላም ምን ጸንሐው እግል ልፍገር ቀድረው። ህቱ ምን ክፍሉት 60ታት ምሰል ጀብህት ተሕረር ኤረትርዮ ልትሳዴ ዐላ። ጀብህት ተሕረር እንዴ ትፈናጠረት ሱዳን ክም ኦቲት ሀይ፡ እንዴ ኢደንግር ምሰል ጀብህት ሸዕብየት ተሕረር ኤረትርዮ እንዴ ትነዘመ ሸቅሉ አተላላ።

እት 80ታት እት ጃርዲን የሐንሰ ናሬዕ መሰኡል እዳረት ሰበት ዐላ፡ ምን ሚዳን አሰክ ከረን ወምን ከረን አሰክ ሚዳን ሐብራ እግል ልንሰእ ወለኡብጸሕ ወጡይ ገብኣ እሊ። ምን መዲነት አሰክ



መሓዝ ዐንሰበ ዲብ ፈግር ሰጃይር፡ ወምን ዐንሰበ አሰክ ከረን እት ለኣቲ ዘይቱን ወአራንሺ እንዴ ለሄድዮም እግል ፈትሾ ጦር ሰራዊት ክምለ እት ሐቀን ዐድ ለጣይዕ ወደዮም።

መምህር ልጃም ገብርሂውን እብ ልብ ንእሽ ልርእዮ ለነብረ ፍንቲት ሐረክት ናይ አቡሁ እት ደግም፡ “ጸቤሕ ምድር ለኢነአምርም አንፋር ቤትን እንዴ መጽአው፡ ምሰል አቡቱ ልትሃገው ወገሌ ሸይ ለሀዩቡ። ሐቴ ምዕል እግልዬ ውእግል መርሐም ሐቶ ፍራቴሎ ግንቦት፡ ዐንሰበ ትከረ እብኤ። ዲቤ አርበዕ መናድሊን ልትጸቦር ጸንሐውኤ። እግልነ ርዶል-ርዶልነ ሀበውኤ፡ ወህቶም ምንእነ ርይም እንዴ ቤለው ምሰል አቡቱ መደት ረደም ተሃገው። እት ደንገብ አቡቱ እክለት እንዴ አብሸለ ጸብሐ ከሳረሐዮም” ልብል።

ገብርሂውን ሰንሰት ንኢሽ ሌጠ ለኣቲ ለዐለ እት ሸቅሉ እግል ልትወጤ እሊ ኣቲ ከረን ምዕል-ምዕል ወደዮ። እት ክል ኢተቱ እግል ሰውረት ለለኣትሐዜ መምተልካት ወሐብራ ምነ ዲብ ከረን ለሀለው መዝማዕት እንዴ ሐየበ መጽእ። ወምህም ልኡክ አሰክ ከረን ለኣቲ።

እተ መደት ለሀ ዲብ እሰብዳልየት ከረን ዋርድየት ለነብረ አሰይድ ተሰፋልደት ፍዳል፡ ምሰል ገብርሂውን እግል ልሸቆ እብ መናድል ሰለም እድራሰ ትእዛዝ ለተሀየበ መዝማዕ ጀብህት ሸዕብየት ዐላ። እግል በክቶም ሀይ፡ ክልኢቶም አንፋር

መሕበር ቅዱስ ምክኤል ወእብ ሰጋመ አቃርብ ምን ገብአው፡ እንዴ ትፋህመው እግል ልሸቆው ሰኔት እሎም። ምን ሚዳን መልእክ ሻፍግ ዶል ለሀሌ፡ እባሁ ዲብ አፈት እሰብዳልየት እተ ሀለ ክሸክ (ድኬናይ) ናይ ተሰፋልደት ለአወልጥ። ተሰፋልደት እብ ጀህኑ፡ እተ እሰብዳልየት ምን ዐለው ከረ ግርማይ ሐጎስ ለመሰሎ ንዙማም እንዴ ገብኣ ለከማከመዮ ተፋሰል ሐብራ ናይ ጁሩሓም ውበዕድ እግል ገብርሂውን ሰፊሎ። እብለ ገበይ እሊ፡ ገብርሂውን ምን ክል አካን ለትጀመሮት ሐብራ ሳፍየት እንዴ ሐየበ ፍግረት

አክበረዮም፡ “ትምሳክ እግል እትዛቤ” እንዴ ቤለ ሀይ፡ አሰክ ቤት ገብርሂውን ከረን-ለዕላይ አቅሎሎ። ተሰፋልደት አሰክ ከረን-ለዕላይ እት ገይሰ ቢንቶ መድረሰት ሰላም ክም በጽሐ፡ ምን ፎርቶ እግል ፈጡር ልትከረው ለዐለው እት ‘መልሶ መቋቋም’(ባክት መድረሰት ቅዱስ ዮሴፍ) ለዐለው እሰራም ትከብተው። ብጥር እንዴ ቤለ እት ለኣልፎም እግል ገብርሂውን እት ምግባም ረኣዩ። ገብርሂውን ረኣዩ ከእግል ልትነወክ እብ ዕንቱ አሸረ እሊ። ሐቆ እለ እት ከረን ጽንሐት ደሐን ክም ኢህሌት እተ ፈሀመ፡ ቤቱ እንዴ ጌሰ እግል ጸዋይቱ እምበል ‘ቀለስ ሸቅሉ ፍሩርቱ’ ክልመት ብዕደት እግል ኢተኣፍግር እንዴ ሐዝረዮ፡ ግደር ወድ መሕበሩ ሐጃ ወልዳሰላሴ እግል ልትሐበዕ፡ በጉ ትከረ።



ጸሓይ መሓዝ ዐንሰበ እንዴ ተዐደ እት እዴ መናድሊን ከርዮ።

ከረን ክምለ እት ክፍለት ሰሳታት እብ ንዙማም ወፍዳእዩን ጀብህት ተሕረር ምን ደዋረ ለሀለ ዐደታት ፍልክ ትብል ለዐለተ፡ አዜመ ምን ከረ ሰኩነ ውበዕድ ደዋረ ለሀለ ዐደታት እብ ሰቡላም መዝማዕን ናይ ጀብህት ሸዕብየት ወጀናቢል እብ መሳጢሩ ትመለኣት። አደሐ በንዴረት አቶብዩ ትረፋርፍ እተ ወምሴ ፍዳእዩን ወንዙማም ለእለ ሐዘው ወዱ እተ። ክእነ እግል ትግበእ ዶር ገብርሂውን ወመልሀዮም ልትዓደሎ የዐለ እሊ።

ሐቴ ወክድ ላተ ምሰል እሰትሸሃድ መዝመት ሂወት ዐቅብግርም ምዕል እኪት ጸብሐት፡ ሐቆለ ኣድሰት እት ከረን ወድዋረ ምሰል ሰውረት ዕላቀት ለጸንሐት እሎም ብዝሓም መዋዋኒን ሐብሰ አተው።

ክልኣት ወሬሕ ሐቆለ ኣድሰት ገብርሂውን ምሰል ግዋራሁ እት ለኣትማሌ ጦርሰራዊት ምነ እተ ሀለ ነሰአው ከዲብ ሰጅን ፎርቶ ደደርበው። ፈጅረተ ዕቅቡ ሐሁ ዲብ ተሰፋልደት እንዴ ጌሰ እሰር ክም ሀለ ወአመቱ እግል ሊዴ አሰክለዮ። ህቱመ ደለ ቀድረ ክም ወዴ አከደ እሊ። ወእባሁ እት ግርማይ ሐጎስ ወዳዊት ለልትበሀሎ ጸሩ እንዴ ጌሰ፡ እበ ተኣንጦጥል ለሀሌት ጊመት ብቆት

አክበረዮም፡ “ትምሳክ እግል እትዛቤ” እንዴ ቤለ ሀይ፡ አሰክ ቤት ገብርሂውን ከረን-ለዕላይ አቅሎሎ።

ተሰፋልደት አሰክ ከረን-ለዕላይ እት ገይሰ ቢንቶ መድረሰት ሰላም ክም በጽሐ፡ ምን ፎርቶ እግል ፈጡር ልትከረው ለዐለው እት ‘መልሶ መቋቋም’(ባክት መድረሰት ቅዱስ ዮሴፍ) ለዐለው እሰራም ትከብተው። ብጥር እንዴ ቤለ እት ለኣልፎም እግል ገብርሂውን እት ምግባም ረኣዩ። ገብርሂውን ረኣዩ ከእግል ልትነወክ እብ ዕንቱ አሸረ እሊ። ሐቆ እለ እት ከረን ጽንሐት ደሐን ክም ኢህሌት እተ ፈሀመ፡ ቤቱ እንዴ ጌሰ እግል ጸዋይቱ እምበል ‘ቀለስ ሸቅሉ ፍሩርቱ’ ክልመት ብዕደት እግል ኢተኣፍግር እንዴ ሐዝረዮ፡ ግደር ወድ መሕበሩ ሐጃ ወልዳሰላሴ እግል ልትሐበዕ፡ በጉ ትከረ።


ዐላክር አቶብዩ እተ አሰሩ ዲብለ እሰብዳልየት መጽአው፡ ወክም ኢረክበው እባህም ቤቱ ጌሰው። ቀደም ደቃይቅ ፋግር ጸንሐዮም፡ “አወዕ! እዴኩም ብራቀ ትመጽእ” ገብእ ትበሀለው፡ እቡ እባህም መሓዝ ዐንሰበ እንዴ ተዐደው አሰክ ዐዱ - አጀርብብ ትደረው። እቲመ ክም ኢረክበው እት እዛመ እግል ዋልዳዩ አሰይድ መዲን፡ መዲን መሓሪ ወክፍሌግርም ተክሌ ምን አጀርብብ እንዴ ጌሎም ከረን አተው እም። ሐቆ እለ ተሰፋልደት ምን በጉ እብ ክም ኣንኩላል አጀርብብ አተ። ምሰል ሸሂድ መምህር መብራህቲ ገብራመድህን እግል ሓለት ሰኒ እንዴ ጌመመው እግል ደሐኑ ወሰላመት ብዕዳም ንዙማም፡ ሱዳን እግል ሊጊሰ ትቀረረ።

“ምሰል ገብርሂውን ሸቅዩ ለዐለዩ ብዝሓት እማት ላኪን ‘እንዴ ሓለፈ ኢሊህይብ’ እንዴ ቤለዩ ምን ከረን ኢፈግረዮ። ዲብ ፎርቶ ብዙሕ እንዴ ኢጸኔሕ ዲብ አወላይ መርከዝ ፖሊሰ (ዐድ ሰዓድ ለሕታት) ተዐደ። ዶል ድራር ምነ መዳብእም ዲብ ሐሽ ሰበት ፈግር።



እነ ወግምሶት ሐቶ ክም ሓልፈት ገበይ እንዴ ትመሰልነ እግል ንርእዮ ግሰኤ። ምን ቃብል ረኤናሁ ህቲመ ረኤኤ። እብ እዴ ማኑ ‘ቻው’ ቤሌኤ ሕናመ ‘ቻው’ እንቤሉ” ልብል መምህር ልጃም ለናይ ደንገብ ወጀህ አቡሁ ለረኣ ዲብ ኢነት ዲብ ፈቅድ።

ገብርሂውን አሰመረ ክም ሓለፈው ሰልፍ ዲብ ማርያም ግቢ፡ ሐቆሁመ እት ሰምበል ተአሰረ። እበ ጀረ እቲ ዝግጥ ሂገ አሰክ ልትሐለል ጋብእ ክም ዐለ



ልትሀደግ፡ ደአም ለመራር መጸእት ዝግጥ እንዴ ከሀለ ምስጢሩ ሐፍዘ።

ወድ ሐልቲ እግል ገብርሂውን - ክፍሌግርም ሐምዴ አሰመረ ሰበት ዐላ፡ ነብረ ወልባሰ ለአበጽሐ ዐላ። ሐቴ ምዕል ላኪን ለእሉ ኣተ ዐፍሽ እህሁ አቅብለዮ። እሊ እት ዘበን እሰትዕማር አቶብዩ፡ ረሰሚ ለኢገብኣ መስእል(መውዲ) ቱ ለዐለ። ገብርሂውን እት ጽልመት ምነ ዐለ እተ ከሚረት(ቁርፈት) እንዴ ትላከው ክም ፈግረ የአቅብለ። አሰክ ቂሾት እንዴ ትነሰኣ ዲብ ትረሸኤ።

አሰይደ ተመርጸ ነሰረዲን፡ ጸዋህ ልትአሰር ዲብ ሀለ ሕናዮት ዐለት እተ። ገብርሂውን፡ ብንደም ወልዱ እት ከብድ ዲብ እንቱ ትረሸኤ። ለዓይለት ፍንጌ ሸቀላት ወክባደት መንበር ተሐኔት። ምነ ዐቢ ለዐለ ድራራ እት ረሕመት ሰኒያም ወአቃርብ ወድቀት።

ወጠን ክም ተሐረረት፡ መብዝሐን ዓይላት እት ፈረሕ ወዕላላት ምንመ ዐለዮ፡ ዐድ ገብርሂውን ላቲ እግል ጋራት ብዕደት ልትዳለው ዐለው። ለመዳሊቶም ሀይ፡ ‘ራክብ ወቃብጽ ሐቴቱ’ ክምለ ልትበህል፡ ሰበት ቀብጸው ርጋዞም እንዴ ወደው ፍቴሕ እግል ለኣትምጥ

ወክተማት ሐዘን እግል ሊደው ቱ።

እብለ ሀይ ሰበ ሬሕ እት ምሰግድ በሰክዲረ ለትብተክዩ ምነ ዓይለት አሰይድ ልጃም፡ ገብርሂውን ወክብርም እንዴ ትወሰከው ዲም ጀለ ሕርየት ወእሰትቅላል ለትደፈዐ አዳመ ሰማን ትንፋሰ በጽሐ። ሕርየት ዐውለ ምንመ ዜደ እግል ዓይለት ወክለን ዓይላት ኤረትርዮ ለዐቤት ደባህህን ህተ ሌግተ። ለደም ቃሊ ትደፈዐ እተ ሕርየት!

** ተመት **



ነጃት ዑሰማን

ሰብር ወከሃለት እግል መባጾሕ እት ሐንቲላ ልብል ኦርጅናሽን ምስል፡ መሰል ስኔት ላቲ መሰሉል ከደማት፡ ዓፍዮት እት ምዳርየት ኦፍቦበት፡ ዲግሪ ኔርሱ፡ ሻብ ኦልኦሚን፡ እብራሂም ሳሌሕ ለወዲናህ መቃብለት እዳልዮም ህሌነ። እሊ ሻብ እሊ፡ ናዩ ከልፍዮት ሚ ክም መሰል፡ ዲብሚ ኦቪቃል ክም ህሊ፡ ወሽባን ሚ ለመሰል መቃብል እንዴ ሓለፈው ክም ደርሶ ወልትባላም፡ ወሐቆ እሊ ለቦቤት መሰሉልየት ወጠን ወምጅተመዕ ክም ረፍዮ ለትክሰሰ መቃብለት ዋድዮም ምስሉ ህሌነ፡ ቅራኑት በኪተት።

ከአወል ወቀደም ኩሉ ዐዘመትን እንዴ ሐሽምክ ወኩሉ ኦቪቃልክ እንዴ ሐደግክ ዲብ እሊ እብ ምጽኦትኩ፡ እብ ሰሚት መዳልየት ወቆርኦት ጀሪደት ኤራትርየ ሐዳስ እግል ሐምደክ እፈቱ። ከእተ ኦርጅናሽን መቃብለትን እግል ንሕለፍቱ፡ እስትምቡረት ኬር ወበርከት ዲብ እብል እተ አወላይ ሰኣልን እግል ነኦንብት።

ሰኣል፡ አወል እብ ከልፍየትክ እግል ነኦንብት ከኦፍ ደረሰኩ ሚ መቃብል ሳድፈክ ክም ዐሊ አውመ ሚ ለመሰል ዐውቲታት ሰጃል ክም እንተ፡ ለቲላል ከኦፍ ክም ዐሊ እንዴ አፍየሐክ እግል ትዳግም እግልዬ።

በሊሱ፡ አወል ወቀደም ኩሉ ዲብ ከልፍየቼ እንዴ ኢሐልፍ፡ እንቲሙ ኩሉ እሊ ምሳፈት ምን አሰመረ አሰክ አፍቦበት፡ እግልን እንዴ ሰሚኩም እብ ምጽኦትኩም እብ ሰሚቼ ወሰሚት እትሓድ ምዳርየት አፍቦበት እግል ሐምደኩም እፈቱ። ከዲብ አግደ መውዳዕን እግል ነኦንብል፡ ክመ እሉ ትቤ ሰሚቼ ኦልኦሚን እብራሂም ሳሌሕ እትባህል፡ ምን አቡዬ እብራሂም ሳሌሕ ወሐሊማ ኦድም ለልትባህሎ ሐረሰቶት ዋልዴን ለትወለድኩ ኦክ። ለአሰሊ ዐጃ ህዬ ዲብ ዳሕየት ገብገብ ቲ ወገብገብ ህዬ ምን አፍቦበት አሰክ እትጃህ ምፍጋር ጸሓይ ቅያሰ 30 ኪሎ ምትር ገብእ።

ዲብ ሰነት 1998 ምን ገብገብ አሰክ ምዳርየት ሀበር፡ ሀበር ጸሊም በህለት እት አቅሊም ዐንሰቤ፡ ምስል 'ሐ-አቡዬ ቅርኣን እግል እቅራኤ፡ አቡዬ አሰክ ሀበር ጸሊም ሐቆ ለአኪኒ ለሐ አቡዬ ለዲብ መጽኦት ምስል ቅርኣን እግል እድረሰ እንዴ ቤላ መድረሰት ኦቲኒ። ወምን ወቅት ለህይ ምን አወላይ አሰክ ሓምሳይ ፈሰል ዲብ ሀበር ጸሊም ዲብ መድረሰት ሸሂድ ዑሰማን መሰ ሰልማን ደረሰኩ። ዲብ ወቅት ለህይ ለመድረሰት አሰክ ሓምሳይ ፈሰል ሰበት ዐለት መርሐለት አወላይት ደረጃት ዲብ አትመምኩ።

ወምን መድረሰቼ እግል እዋሰል ምን ሀበር ጸሊም ዲብ ምዳርየት አፍቦበት መጽኦት። አኪመ ዲብ ካልኦይ ሐ-አቡዬ ዕያሉ ዲብ

ሰብር ወከሃለት እግል መባጾሕ

አፍቦበት ሰበት ዐሊ እባዬ ሐለፍኩ። ዲብ ዐድ አቡዬ ዓኢሊት ሸሂድ ዑሰማን፡ ምስሉም ምን ሳድሳይ 6ይ ፈሰል አሰክ 8ይ ፈሰል ምስሉም መድረሰቼ ኦተላሌኩ። ወሐቆ እሊ ምን ታሰዳይ 9ይ ፈሰል አሰክ ዐሰር ወሐቲ ፈሰል ነፍሼ እንዴ ቀደርኩ እብ በይንዬ እደርሰ ዐልኩ። እት ሰነት 2009 ነፈር 23 ደውረት እንዴ ገብኦት ሳወ ትክፈት በህለት ቲ ወ2011 ህዬ ምን ሳወ ፈገርኩ ወዲብ ኩልየት ዓፍዮት ወዑሉም ወቲክፍሎጂ አሰመረ ኦቲኩ። ወናይ ዲግሪ ኔርሱን ደረጃት እበ አትመምኩ። ሰነት 2015 ደሐርኩ ወዲብ ምዳርየት አፍቦበት እተ እሰብዳልየት ትወዘዐኩ ወእግል 8 ሰነት ለገብእ ዲብ ሆሰፒታል ሐቆ ሸቀቲ፡ ዲብ ሰነት 2023 ወሬሕ ማዮ ህዬ ክም መሰሉል ከደማት ዓፍዮት እት ምዳርየት አፍቦበት እንዴ ገብኦት እሸቁ ህሌኩ።

ሰኣል፡ ዲብ እሉ ሓለፍክ ተዋልል ተዕሊም ለሳደፋ መቃብል ህዬ ሚዐላ እግል ሸባን ተጃርብ እግል ልግእ ወእምበልሁመ ምክር ወሰጃዐት ገብእ እሉም ዲብ ሐደዮም እግል ልንፈገም፤

በሊሱ፡ እግል ትትባላም ወኩልዮት እግል ትድረሰ ቀሊል ኢኩ። ክመ እመር እግል ትድረሰ ክቡድቲ ወላኪን ፍሬሁ ዋዑም። ሰበት እሊ፡ አወለን ክመ እሊ እቤለክ ምን ሐቲ መድረሰት ለኢዐለት

እግል ምጅተመዕ ወወጠን ዲብ እክድም ዝያድ ሐብን ልትሰመዐኒ። ከአኪ ኦክ ክም ኦልኦሚን ምን ይእደርሰ እሊ እሉ እውዴ ህሌት ካድም ወየኦርኤኮኒ። እግልሚ ክድመት ዕሉም ወኢትባላመ ለለህይብ በይናተ። ከክመ እሊ እቤ ድራሰት እግል ትድረሰ ምን ዐንደል ትመርር ወፍሬህ ምን ቅያሰ ወለዐል ዋዑም ወግሩም ቲ። እሊ ለእቤቡ ሰበብ እንዴ ትደርሰ ናይ ዕምር ሸበት ብዙሕ ልትረኤኩ። እግል ትተልሂ፡ እግል ትትሃጅኩ። ምስል ሰናትክ እግል ትትፈላሕ፡ እግል ተዓርፍ ወለ መሰሉ ብዙሕ ትትሸክህ። እሊ ኩሉ ላኪን ሰብር ወከሃለት ለአትሕዜ።

ከአክ ሚ እብል፡ አዩ ሻብ እምበል ህደፍ ዲብ መድረሰት ልግእ ወብዕድ አሸቃል ናይ እዲናን እግል ንትብገስ ክም አሉብኩ። እግል መሰል ለእሊ ኦማም ህሌት ኦክን አው ምስተቀበል እግል ንብጽሐ ህሌት እግልነ። እሊ ላኪን እግል ፈጅር ወሐቆ ፈጅር ነፍሱን እግል ንቃሸሽ አሉብክ ለእሉ እንጽብዋ ሕሳል አሰክ ለእሊ ነሐዜ ኢብጽሐክ እግል ንጠልቁ ክም አሉብክ ኦትፋቅድ።

እሊ ለእሊ እብልኪ ህሌት ዶል እንወዴ ለእሉ ነሐዜ ህደፍ ክም እንበጾሕ ሸክ እግል ኒዴ አሉብኩ። እግልሚ እን እብ ፍዕል ርኤክወ፡ ሳብት ሐቃይቅ ዲብ ርሕዬ

ሰጅዑኒ ወለኦትናይቲኒ ሰበት ዐለው። ወገሌመ ናይ ከርሰ ሐለት ወንዮት ክም ብዬ ሹዑር ዐሊ እግልዬ። አኪ ዛቲ ለበዲር ደረሳይ ዲብ ህሌት ዐሊ እዬ ፈሀም፡ ዮም ምን ገብእ ዝያድ ምን እሊ ለእተ ህሌት መርሐለት ዝያድ ደረጃት ወረኩብኩ እብል ከኢትገህፍ ወእተዐሰ ህሌት። ከአኪ ሐቆ ህደፍ ህሊ ምስል ዐድክ ህሌ ወኢትህሌ ለእሊ ተሐዜ ክም በጾሕ አምር። ክመ ዐቢ ሕልም ሐቆ ተለምክ እሉመ ምን ኢትብጽሕ ለአጥራፋ እግል ትብጽሐቲ ክመ ልትባህል፡ አካን እግል ትብጽሕ ትቀድር እብል።

ሰኣል፡ ኦልኦሚን ዐውቲ ደረሳይ እብ ሰለኦስ እትጃህ ተ ለትትሰርገል። እብ ዋልዴን መደረሰን ወጅህድ ናይ ደረሳይ ተ ለትትረከብ ወእንተ ፈዳብ ዐልክ ጅዋእዝ ነሰክ ክም ዐልክ ሸሬሕ እዬ ጸንሐኩ። እሊ ዐውቲ ናይ እሊ ፍግሪት እሊ ምን አየ ረብካህ፤

በሊሱ፡ ዲብ እሊ ሰኣልኪ ምህመት ለገኦት ንቅጠት አክክርኪኒ። ምን 9ይ ፈሰል ምስል ሰዳይት መዐልሚን ኦክ ሚኦንበት መሰለኩ። መልህዮም ወዴክ ወሀቶም ፈዳብዮም ወፍንቲዮም



ዲግሪ ኔርሱ ሻብ ኦልኦሚን እብራሂም

እግልሚ ኩሉ ለዐሊ እግልን ተጃርብ ንትባደል ሰበት ዐልኩ። ወላመ ዲብ ሐንቲነ ዐለው ሐውነ ነኦይሽ ምን ለትፈናተ አፍክር ወርሶ ዐለው። ዲብ ወቅት ለህይ እተሓድ ለወደዩ እግልን ሰዳይት እግልን መርሐለት እብጽሕናቲ። ገሌ ምኑ አሳሰ ናይ ድራሰት ኮምፕዩተር እምበል ግርሽ ወተዕራፈት እተሓድ አድረሰውናቲ። ምስሉመ እብ ገበይ እተሓድ ገብእ ለዐሊ መሀረጃናት ዲብ መክሐደ ወሸሬሕ አቅሪቦት፡ እብ ሉቀት እንግሊዝ ነፍዴነ ወዝያድ ሰጃዐት ወሰኪን ወፈሃዐት ዐንደቁኩ። ከዮም ለመንፈዐቲ ትትረኤኒ ህሌት። ሰበት እሊ ለናዩ ዐውቲ ምስል መዐልሚን እንዴ ኢገብእ፡ ለናይ መጅመዐት ለእቤለኩቲ ወለ ናይ እተሓድ ኩሉ እንዴ ሳደ ተረት ዐለት እሉ።

እግል መሰል ብዝሓም ደረሰ ምን ዋልዴናም ብዝሕት ሰዳይት ትገብእ እሉም። ዲብ አብዮቶም ለለኦደሩሶም መደረሰን ወዴ እሉም፡ ፍሶም ሐቆ ዳርሳም ገአው ለኦደሩሶም። አኪ ገሊህም ነጅሐ ወገሊህም ፈሸሎ። እሊ ሚ ለአርኤክ ኢመትሐሳር ወሀደፍክ የኦመሮት እንብሉ። ለህደፍ ስም ወለ እምበል ሰዳይትመ ለእሉ ለአኖኩ ህደፍ ጠዋሊ በጽሕወ፡ ወለ እብ ሰር ቀልዮም ወእምበል ህደፍ ለደርሶ ወለ ክም ማይ ምን ልትሐጸቡ ክም ሸንገመል ሐር ለአቅብሎ። ከአኪ ምስጢር ዐውቲ እት ሰብር ወከሃለት ወሀደፍክ ኦመሮት ክም ህሊ ሸክ ለአሰብ አማንተ። ከአዩ ሻብ እበ እሊ ቀድር ደረጃት ተዕሊም ወምህነት ክም ልትወወት እግል ሊዴ ህሊ እሉ። ዮም ሸባብክ ለእቡ ይዐሩ ወኢብጽሕወ ናይ ሰብ ቃብል ተጃረት ወምርኩብ ዲብ ለሐዘ። ዲብ ኢትሐዘዮም እግል ዲመ ለኢፈግሮ ምኑ ወሐል እንዴ ትሸመመው፡ ዲብ ዐቢ መሻክል አትያም ልትረከቡ። ከሰበት እሊ ሸባብ ምን አወሎም ለትነፍዮም ወለ ኢትነፍዮም እግል ልፈርጎ ህሊ እሉም። ሐሬ እንዴ ተዐሰው ለእሊ በልሶ ሓግላም ልትረከቡ። ከምን ቀዳምን እግል ዐቦት ርሕነ ወዐማር ወጠን እግል ንሕሰብ ለአሰትህል። ተአተላላ



እቲ ወምንመ ተህሌ አወላይት ደረጃት መድረሰት እብ መትብጋሼ መረ በዐል በክት ኦክ እግል ኢብል እቀድር። ወኩሉ እሊ ምን ሀበር አሰክ አፍቦበት፡ ወምን አፍቦበት አሰክ ሀበር ዲብ ኦንጎን ዲብ እሊ ለእሊ ህሌት ደረጃት እብ ብጽሐቼ ርዝቅ ዐቢቲ፡ ላኪን ኦክ ዲብ እደርሰ ገሌ ህደፍ አው መባጾሕ ክም ህሊ እግልዬ ልትርኤኒ ዐሊ እግል ኢብል እቀድር።

እግልሚ እንዴ ደረሰኩ እሊ በክት ራክብ ለህሌት ምን ክሎም ሐውዬ አናቲ ወአናመ እብ ናዩ ጅህድ ቲ፡ ወአኪ ዮም አወል እግል ርሕዬ ወዓኢለቼ ወእብ ዐቢሁ

ወመሳሪቹ አምር። አኪ ምስል ዐድክ ወኢቃርብክ እግል ትድረሰ ፈርግ ዐቢቲ። ላኪን ኦክ ምን አወላይ ፈሰል አሰክ 11 ፈሰል ምን ጃኢዘት ፍንቲይ ይኦናኒ። እግል ኖሱ ለምን ዐድክ እንዴ ትፈንቲክ ለትደርሱ ድራሰት ምህርትክ ክም ትሰድድ ወክም ትተረድ ወዴኩ። ኦክ ዐጃ ሐቲ አምዕል ጃኢዘት ዲብ እንሰእ ርእያምዬ ኢኮን ወሓድራም ምስልዬ፡ ላኪን ለኩብር ሰበት ሰመዖ ልትሐብኖ እብዬ ዐለው።

ኦክ እሊ ደረጃት እግል እብጽሕ ወመንገኦት እሊ በክት እሊ ለኮሰታም መደረሰን ቶም። እግልሚ ምን ቅያሰ ወለዐል

ቶም። ገሌ ምኖም ጀማል ሰሌማን ሰዐድ፡ ዮም ቃዲ እንዴ ገአ ዲብ አሰመረ ዲብ ወቅል መሕከመት ሸቆ ህሌ። ወበርዱ ፊልሞን ደበሳይ ህቲመ እንዴ ነጅሐ እብ ከሚሰትሪ እንዴ ከለሰ ዲብ መዳርሰ ካልኦይት ደረጃት ለአደርሰ ህሌ። ወብዕዳመ ዐለው መጅመዳት እንዴ ገኦክ ሕድ እንዴ ጸበዋን እብ ህደፍ ምን ጊሰነ ተዐውት። ወካልእ ክም ዐባይ ንቅጠት ህዬ እተሓድ ሸባብ ዲብ መዲነት አፍቦበት እተ ወቅት ለህይ ሸባብ ብዙሕ ክለባት እሉሳም ዐለው። መጅመዐት ቅራኑትመ ለአሰሰክ ሕናቲ፡ ወምን እሊ ፍክረት እሊ መረ አሰተፈድኩ።

ምግብ ወተር-ብዩት

ዘሀረ ዐሊ

ዓፍዩት ወተር-ብዩት አጀኒት

እት ሐልፊት ሳምን ዕመጣይ አትአመርት ምስል በርናምጅ “ዕድል” ቅዱማም እግልኩም ዐልኩ። እትላ ናይ ዮም ጥብቡትናመ መተላለዩ ናይ እግል ንቀድም እግልኩም ቱ። ከእግል መትፋቀዱ።

ታመት ዐቦት እት ናይ ሰልፍ ሰኖታት ለከሰሰ እት ሕድ ለትመሳሳ ክምኩም ለአይክ

“ዕድል” ለትመሳሳ ተጠውር አጀኒት ኤረትርዮ እት ናይ ሰልፍ ሰኖታት ለከሰሰ በርናምጅ

እሊ እብ ሰሜት “ዕድል” ለልትአመር እግል ተጠውር አጀኒት እት ናይ ሰልፍ ሰኖታት ለከድም በርናምጅ ኤረትርዮ ናይላ ምን 0 - 6 ሰነት ለዕምሮም አጀኒት ዐቦት ዑፊት ወታምም ተጠውር እግል ለአደቅብ ለትአንበተ በርናምጅ ቱ። ለእት ቴለል ሰዱድ ለልትረከቦ አጀኒት ህዬ እብ ፍንቱይ መትሐሳር ወዳ እቶም። መገዳሕ በርናምጅ “ዕድል” ናይ እማት ወአጀኒት ዐቀብ ዓፍዩት መነት ወምሀር አጀኒት እት ናይ ሰልፍ ሰኖታት ለሀለ ፈሀምክም ልትወቀል እንዴ ወዳ እግሉ ለትጠውር ክድመት ወሰደይት ቀደሞት ቱ። እሊ ህዬ ናይ መትዐላም ንዮት እንዴ አትሐሰሴክ ዶር ዐባዩ እት መራዐዮት ወተዐሊም አጀኒት እንዴ ወቀልክ ወሐቅ አጀኒት ክም ልትዐቀብ እንዴ ወዳክ ለልትበጸሕ መገዳሕ ቱ።

እትላ ናይ ዮም ጥብቡትናመ መተላለዩ ናይ እግል ንቀድም እግልኩም ቱ።

አጀኒት እሊ ለተሌ ሕቁቅ ቦም።

- ሻም ወረዓዮት እግል ልርከቦ
- ምን ብቆት ለትነጀ ወዑፋይ ድዋር ላቱ እግል ለህሌ እግሎም
- ሰኒ እግል ልትሳረው
- እብ ደአል ሌጠ እግል ኢልትገንሖ።
- ኢልሙድ ቴለል ዶል ሳድፎም መራዐዮት ፍንቱት እግል ትግበእ እግሎም።

- ጠዐም መናበረት ሰኔት እግል ለአትዳውር።
- እብ ዓዳቶም ወውርስ ኦብዕቦታቶም እግል ልትሐከም
- ተዕሊም ሰኒ እግል ልርከቦ ሐቅ ምን ሕቁቅም ቱ።

እግሉ ሕኩመት ኤረትርዮ እትብግሱ። ለህሌት አግደ ለአይክ “ተጠውር እት ናይ ሰልፍ ሰኖታት አጀኒት (ECD) ወእግል ሸዑብ ለልሀይብ መንፈሳት እት ደረጀት አቅሊም። ምዴርያት ወደዋይሕ እግል ትትአመር አትፋዝያት። ለዲብ አቃሊም። ምዴርያት ወደዋይሕ ለሸቁ ሸቃሊ ዐቦት ወተጠውር ቀድረው ምን ገበእ ናይ ናሶም ለአይክ ወብዕድ ሰዳይት ለልሀይብ አጅናሰ ሐብሬ ዶል ለሓልፎ። ለለአይኩም ምስል እሊ ለአይክ (ECD) እግል ለአትመሳሳው አትናዮቶት።

ለምጅተመዕ እብ ክሰሰ እሊ ለአይክ እሊ እትላ ለሀድግ እቱ ወቅት ክም መበገሲ ወሰድያይ እንዴ ገብእ እግል ልክደም።

ናጄሕ ለትመሳሳ ለአይክ ጀላብ እግል ነሓልፍ

(ምስል መተንሰዮት እንዴ ኢንትዋጀህ ሰልፍ እብ ክሰሰላ እት ረዓዮት ወተጠውር አጀኒት ለሸቁ አንፋር ወመአሰሳት እት ክምሰልሁመ ለልትነፍያ እቡ አብሳር ወለወድወ ወራታት ሐብሬ ካፍዮት እግል ንጅመዕ ብኩ። ምስል ለትፈናተው አንፋር እግል ንትጋሚ ወህቶም ለልሀይቡናተ ሐብሬ እግል ንትነፈሱ። ክምሰልሁመ ክቱብ ብዘሕ እግል ንቅረእ ብኩ። ለትሰለፍናህ ሓጀት ህሌት ምን ገበእ ለትአቀብል እት አምዕል እንዴ ሐደድኩ። እት ለትሐደደ ወቅት እግል ንብለሰ ብኩ። እግል ንውደዩ ገለድ ለበአነ ጋር ህለ ምን ገበእ። እንዴ ወዳናሁ እግል ምስሎም ለትሃንኪ አንፋር ሚ ክም ወዳክ እግል ነሐብርም ብኩ። እብላ ገበይ እሊ እት ፍንገን ወፍንገል ሰብ ሸርክክ አማነት ክም ተህሌ እግል ኒዴ እንቀድር።)

አጥዐሚቶ

መደት ሐቱ ዎርት እናሰ አንዮቡ ሰበት አሸበሽ አሰክ ሐኪም አንዮብ ገሰ። ለሐኪም እንዴ ገንሐዩ። “አንዮብክ ርኤክወ። አዜ ክልኦት ከበር ህለው እግልኩ። ለከበር ለዎርት ሰኒ ገብእ እት ህለ ለካልኣይ ላቱ እኩይ ቱ። እሰልፍ አዩ ምናም እድገም እግልኩ?” እት ልብል ትሰላለዩ። ለእናሰ “እሊ ምንገብእ ለእኪት እግል ትሕለፍ እግልዬ። እሰልፍ አሰላሰኒተ። ለዘት ሰኔት እት ደንገብ ምንዲ አትዳውረ ትረሐይሰኒ እት ልብል በልሰ። ለሐኪም እብ እት እዴሁ ለዐለ መቀሰ ጠውለት እንዴ ከራኩክ “ለከበር ለእኩይ። አንዮብክ ለዓሉ ወተሓቱ ክሉ እግል እወርክዮቱ። ዕሰርክ ህዬ ክምሰል ግርዝ ወድ መልሀዲት ድርድር ዲብ እንቱ እግል ልትረፍ ቱ። እሊ እግል እውዳ እግልክ ዐሰር አልፍ ነቅፈ እግል ትድፈዕ ቱ። ለከበር ለሰኒ ህዬ” ሸውዮ መደት በዋረ። ከሸንከትላ ሕሙም እንዴ ልትወለቡ። “ምን እሊ ዮም ወሐር መጸጸት አው ወጀዕ ለልቡሉ እግል ትርኤ ኢትን። ለድርድርክ ክሉ ረአሱ ኢልሐመክ” ቤለዩ።

ምን ገርም

መደት ሐቱ ሐዋናት እብ ጋራት ናሶም ጅምዓም ዐለው። ዎርት ምነ ሐዋናት “ሕነ አፎ ናይ ግመት ጅግረ ይእንወዳ እት ልብል ረአይ ሀበ። ረአዩ እንዴ ተብተው ለጃኢዘት ሚ ትግበእ ወመን ልሰርግዩ? እት ልብሎ ገመው።

ሐቅ ብዘሕ ጎማት ለጃኢዘት ሰልሰልት ደሀብ እግል ትግበእ ትዋፈቀው። “እሊ ሰልሰለት መን ልሰርግዩ?” እት ልብሎመ ትሃገው። ሰርም ሐዮት መልክ ሰበት ቱ ህቱ ልሰርግዩ ቤለው። ሐዮት ላኪን ምነ ጃኢዘት እግል ልትረፍ ይሐዘ። “ብዕድ ውደው ምንዩ” እት ልብል አበ።

እግሉ እጅትመዕ መሬሕ ለዐለ ህመም ለጃኢዘት ከራይ እግል ተሀበ ረአዩ ሀበ። ከራይ ላኪን “ዲብ ግርመት ምንዩ ለሐይሰ አለቡ። እነ ናሹ እግል እትሰርገያቱ” ትቤ። ሰርም ገሌ ለሐዋናት ገዕ ሓይሰነ ልግበእ ወጃኢዘት ለሀብ ቤለው። ገዕመ አበ እግሎም። እንዴ ልተከሐዶ ዐለው ብዘሕ ከልአው።

ሐዮት እብ ብግሩ እንዴ ገብእ “ክልኩም ስምዑኒ፣ ምን ክልነ እንሰር ለህሌነ ለከፍአ ሐረውያቱ። ሰበት እሊ ህቱ ምነ ጅግረ በረ ልግበእ። ሕነ ክልነ ሴር ንውዳ። ሐረውዮ ህዬ እንዴ

ክሉ ለሐዋናት ሴር ገብእ። ሐዮት ሹም ሰበት ቱ ሴር አጽበጠዮም። እሰልፍ ከራይ አደልገሽ እት ትወዳ መጽአት። ሐረውዮ እግል ልሰርግዩ ተሐውረረቱ። ህቱ ላኪን ትም ወደ። እንዴ ኢትፈቱ ሐልፈት። አሰር ከራይ ህመም መጽአ። ህመም ሕብሩ ሰኒ ግሩም ቱ። ገርቡ ሕልወይ፣ ጭገሩ ደምባይ፣ ሸከሙ መሩን ወዕንታቱ ሊኒቱ። እብ ግርመቱ ህቱ ክምሰል ነሰአ



ህታመ ሰረ ጸረ ሐልፈት። አሰር ሰገን ሐርማዝ መጽአ። ህቱመ ኢረክበዩ። አሰሩ አብገሐሩ እት ገናድል መጽአ። ሸንከት ሐርውዮ እንዴ ቀርቡ። “ምንዩ ገርም አለቡ



አምር ዐለ። ዲብ ጀፈር ሐረውዮ እንዴ በጽሐ በዋረ። ለሰልሰለት ዲብ ሰጋዱ እግል ትትከሬ ሸንከት ሐረውዮ ቀርቡ። ሐረውዮ ላኪን ኢትሐሰረ እቱ። ሰጋዱ እንዴ ነዋኔ ሐልፈ።

ሰርገኒ” ቤለዩ። ሐረውዮ ላኪን ኢትወለቡ። ክሎም ለሐዋናት ክምሰል ሐልፈው ሐዮት እት ገናድል መጽአ። ለጃኢዘት እግሉ ክምሰል ትጸኔሕ ለአምር ዐለ። እት ቀደም ሐረውዮ እንዴ በዋረ ሰጋዱ አድነኩ። “ገድም ለሰልሰለት እግልዬ ክምሰል ትወጅብ ቃዊ ይእንተ። አገድ ሰርገኒት” ቤለዩ። ሐረውዮ ላተ ግርመት ሐዮት ኢረይሐቱ።



በዋረ ለሰልሰለት ምን ደለ ገረመ ዲብ እግሉ ለሀበ። አዜ ነቅም አለቡ ክምሰልሁ ንውዳ” እት ልብል አትፋርህዮም። ክሎም ለሐዋናት ሰኒ ቤለው። ሐረውዮ እግል ሐዮት ሰበት ፈርህ ህቱ ለጃኢዘት እግል ለሀብም ትዳለ።

ሰገን እብ ሪሽ ለግሩም እንዴ ትትመከሕ መጽአት። ብዋረተ ውቅል ወሕብረ ፍቱይ ሰበት ቱ ለሐዋናት ህተ ትትዐወት መሰል ዲቦም ዐለ። ሐረውዮ ሰገን ክምሰል ረአ ሰኒ ከፍአት ዲቡ። ለሰልሰለት ህዬ ይሀበያተ።

ሐዮት ቅጹብ ዲብ እንቱ እንዴ ሐልፈ እት ሐረውዮ ትወለቡ። ክሎም ሐዋናት ሰበት ሐልፈው እግል መን ክምሰል ለሀይብ እግል ልግነሕ ትወለቡ። ክሎም ለሐዋናት ሰልሰለትላ ደሀብ ኢተሀቦቶም። ሐረውዮ ክሎም ከፍአው ዲቡ። እት ደንገብ እት ጀፈሩ ልተልሃ ለዐለ ወልዱ ሰርገዩ። ለክፋእ ወድ ሐረውዮ ዲብ ሰጋዱ ሰልሰለት ደሀብ እንዴ ትሰርገ ገናደለ። ለሐዋናት ሰኒ ትፈከረው።

ክሎም ዲብ ሐርውዮ ትጀምዐው። “ምን እሎም ክሎም ገራይም አፎ ወልክ ሀብኩህ? ቤለው። ሐረውዮ እብ ከልያቱ ለክፋእ እንዴ ልትሰሐቅ፣ እብ ዕንቹ ክልኩም ክፍአም እንቱም። ብዘሕ ሐሰብኩ ወመዘንኩ ላኪን ምን ወልዩ ወለዐል ገርም ኢረከብኩ ቤለዮም። ለሐዋናት እብ ውዲት ሐረውዮ ኢፈርሐው። ምናተ፣ በዲር ቅል ሰበት ሓለፈው ትም ወደው ምን።

ሰበት እሊ፣ እሊ ቅስት ለገብአ ዋልዳይ ውላዱ ክምሰል ገርም ዲቡ ተአፍህም። ዋልዳይ ክፍኤ ውላዱ ኢልትርአዩ። ምን ውላዱ ወለዐል ለፈትዩ ህዬ ይሀለ።





ተርጅሙት = ሳልሕ ገመ

መትከማር ምስል አቅሊም ቅብለት በሐር ቀየሕ

(2ይ ወናይ ደንገበ ክፋል)

እሊ ክቱብ እሊ ምነ አቅሊም ቅብለት በሐር ቀየሕ እብ ክቱብ ምስል አቅሊምም እግል ለአትከምር፡ ዲብ ሙትፈርጅት ቃዕት ከይራቶም ማህረጃን ሰነት 2024 ወዘመወ ለዐለው ክቱባይ ለትነሰእ ቱ።

አካናት ተእሪክ አቅሊም ቅብለት በሐር ቀየሕ

ኤረትርዮ እብ ዓመት ወእሊ አቅሊም እሊ እብ ፍንቱይ ሰኒ ብዙሕ ዲብ ለትፈናተ አዘቡን ወባካት ለትሰጀለ ቀዲም ተእሪካይ አሳር መልክ።

ያንገሰ(ዶገሊ)፡- እብ መልክኬ ገብሬክርሱቶሰ ለልትባህል ሐረሰታይ ዲብ ሰነት 1997 ለትረከበ ምን 27-28 ሚልዮን ሰነት ዕምር ለቡ እብ ናይ ቦዲር ሰሚት Eritreum melakeghebrekristosi ለልትከመር አሰር ሐያት፡ እብ ደረጃት እዲነ ዲብ መጃል ድራሳት ምጽኢት ክልቀት

ዲቡ እት ገብእ፡ ዲብ አሳሰ ወድ አዳም ወምስል አዘቡን ልትርኤ ለዐለ ተቅዩር ሐለት ጀው ዲብ ድራሳት ዋዲሕ መፍሀም ለሀይብ ህለ።

ዓብዱር፡- ዲብ እንክር ምፍጋር ጸሓይ ጠረፍ ከሊጅ ዙለ ለህላቱ። ቀደም 125,000 ሰነት ወድ አዳም እግል አወል መረት አርዛቅ በሐር እግል ልበራብር ወልትነፋዕ ምኑ ክም አንበተ ለልአፍህም አሳር ልትረከብ እቱ ባካት ቱ።

አዱሊሱ፡- ቀዲመት ሚነት አዱሊሱ ዲብ ምዲርዮት ፎሮ ሐድ 56 ኪሎ ምትር ምን ባዴዕ እትጃህ ግብለት ምፍጋር ጸሓይ ለትትረከብ እት ገብእ ምን ቀደም 2000 ተውሊደት ነብእ ዒሰ እንዴ አሰብዴት እሰሰት ክም ዐለት፡ ዲብ ታእሪካይ ባካት ለህለ አሳሰ ልሸህድ። ምን 1ይ አሰክ 7ይ ክፈል ዘበን ሐቀ ተውሊደት ነብእ ዒሰ ህይ ዲብ



ሰያሐት መሰሐብ እግል ትግበእ ምስል ኢጣልዩን ሰብ መቅደረት እብ መትግምን ምን ሰነት 2011 እንዴ አሰብደ ትሉሉይ ድራሳት ገብእ እተ ህለ።

ጀዘረት ዳህለክ፡- ምን 8ይ አሰክ 16 ክፈል ዘበን፡ እግል አዱሊሱ እንዴ በደለት ክም ሚነት ወአግደ አካን አርሐሶት ወተጠውር ዲን እሰላም ክም ዐለት ወሳይቅ ታእሪክ ለዲብ ቀበተ ለህለ ቀዲም ክቱብ ዐረቢ ኩፊክ ለትወቀረ እቱ እበን መቅብራት ሳብት ሻሁድቱ። እምበል እሊ ጀዘረት ዳህለክ እብ ዐደድ 365 ለበጽሕ ዒላታት ወባሰካት ናይ ለመድ ላኪን ዋውር አግቡይ እዳረት ማይ ለለርኤ አሳር ናይ ማይ መዕቀሪታት ህለ እተ።

ባዴዕ፡- ሉል በሐር ቀየሕ ለትሰሚት እብ ምን ዕንባባታት በሐር ለትሸቀ፡ ናይ ዐረብ ሸክል እቡ ለትበነ መባህህ ለትትከመር ምን 15 ክፈል ዘበን እንዴ አሰብዴት፡ ምህም ሚነት ቀር አፍሪቅዮ፡ ዕምር ወመሰሐብ ሰያሕዩን ለገብእት ሚነት ወመዲነት ቱ። ክም ባብ መእተይ ደያነት አሰክ ቀር አፍሪቅዮ እብ ፍንቱይ ምስል ዲን እሰላም ሰኒ መጻባዋ ለባ ቱ። ባዴዕ (ረአሰ ምድር) መሰከብ ናይሉ እብ መሰግድ ሰሓብ (615

ሐቀ ተውሊደት) ለልትከመር ምር ምነ ቀዳይም መሰግድ ናይ እድንያቱ።

ደብር ቢዘን፡- ምን አሰመረ 25 ኪሎ ምትር እትጃህ ምፍጋር ጸሓይ ምን ለዐል ነፋሲት ዲብ 2400 ምትር መትወቃል ልትረከቡ። እሊ ናይ ቦዲር ገዳም ዝያድ 600 ሰነት ለወደ እትገብእ፡ 1000 ለበጽሕ ዲብ ብራኑ፡ አጨርቅት ወዕጨይ ለትከተብ ዐባዩ አክትብት ወሰወር ለመልክቱ።

ናይ ጠቢዐት ወግዳት አሳር እንዴ ወሰቀ ለትከምር። እምበል እሊ እግል ተእሪክ ወንዳል ኤረትርዮ ለወዲሕ መትሐፍ እት ነቅፈ እሰሰ ለህላመ ዲብ እሊ አቅሊም ልትረከቡ።

ርሐብ አብካት እሰትሰማር፡- እሊ አቅሊም ረዩም ግንራራብ በሐር ለመልክ ሰበትቱ ወምስል ለትፈናተዮ ድወል ሰበት ልትጋወር፡ ዲብ ሐረክት ትጃረት ኬን ወእንሰር ምነ ምህም



ሐርማዝ ዶር ዐቢ ወዴ ህለ።

ቡዮ፡- ምን ባዴዕ ሐድ 110 ኪሎ ምትር እትጃህ ግብለት ምፍጋር ጸሓይ ራይም ለልትረከቡ ሐድ ምር ሚልዮን ሰነት ለወደ ሸክነ ረአሰ ወድ አዳም (አሰይደ ቡዮ) ለትረከበ

ለዐበ ተጠውር እንዴ በጽሐት፡ ፍንጌ እሊ መንጠቀት አፍሪቅዮ፡ ምድር ዐረብ ወምግባይ በሐር አሰክ ኤሰዩ ልትመደድ ለዐለ ናይ ትጃረት መትባዳል ትከድም ክም ዐለት ልትከመር። ቀሪን ታእሪክ ወግዳት እግል ንፍህም ወናይ




አቅሊም ቅብለት በሐር ቀየሕ፡- ከልፍዮት ሰውረት እንዴ ገብእ ሰውረት ለሐቅፈ አድብር ሳሕል ለልትረከብ እቱ፡ ታምም ተሕሪር አሰክ አምጽኢት አሳሰ ለከረ ምን ሳልሳይ አሰክ ሳምናይ ወራር ለፈሸለ እቱ፡ ወሰውረት ዐባዩ ህጃማት እንዴ ወዴት ዐውቱታት ለአከደት እቱ አቅሊምቱ። ዐባዩ ሳትሮታት ጀብህት ቅብለት ምፍጋር ጸሓይ ሳሕል፡ (ግንባር ሰሚናዊ ምብራቕ ሳሕል) ውቃቅ ሰነት 1984፡ ጀብህት ነቅፈ (ናደው እዝ)1988 ወዐመልዮት ፈንቅል ሰነት 1990፡ ክምስልሁመ ጀብህት ግንዳዕ ሰነት 1991 እንዴ ፈርሰ ዐውቱ ታመት ሕርዮት ለአሸፈገ ወአምጽኢ ሕሩብ ፍርሰነት ለገብእ ዲቡ እትሊ አቅሊም ልትረከቡ።

ወድዮ። እብ ገበይ ሚነት ባዴዕ፡ ማርሰታት ወናይ አርድ ክጡጥ ምስል ሱዳን፡ ዮመን፡ አቶብዮ፡ ጅቡቲ ወብዕድ እንክር እዲነ ለአትራክቡ። እምበል እሊ እብ እድንዮ መቀየሲ ክጡጥ ጠዮራን እዲነ ከብቱ ለረከበ እድንያይ መጣር ባዴዕ፡ መቅደረት ናይ ናሰነ ለአሰብተ እንዴ ወሰክክ አቅሊም ቅብለት በሐር ቀየሕ ናይ አርድ፡ በሐር ወጀው አግቡይ መልክ። እሊ እግል እብ ደረጃት ወጠን ለዐበ እህትማም ወመቅደረት እንዴ ተህየቡቱ ልትሸቁ እቱ ለህለ እተይ ሐርሱ፡ ፈርዮት በሐር ወሕር መንጠቀት ባዴዕ እግል አትጋግዝ ወአሳላዋ ሴድያይ እግል ልግበእቱ።

መትሐፍ አቅሊም ቅብለት በሐር ቀየሕ፡- እብ ተንሰቅ እዳረት አቅሊም ወመትሐፍ ወጠኒ ኤረትርዮ ዲብ ዒድ 10ይት ሰነት ዐመልዮት ፈንቅል ሰነት 2000 ለትከሰሰ እትገብእ፡ ዲብ አቅሊም ቅብለት በሐር ቀየሕ ለልትረከብ

እምበል እሊ ርቁብ አርዛቅ ጠቢዐት፡ መግድን፡ ተእሪካይ አካናት፡ ለለትዐጅብ ናይ መትፋግዒ ባካት ወመትሐድራይ ጋሽ ሙጅተማዕ፡ እሊ አቅሊም እሊ እግል እሰትሰማር ሰናዓት፡ ተዕዲን ወሰያሐት ምነ ምህም ለወድዮ ቱ።





አቅሊም ምግብ፣ ጅግረ አትሌቲክስ መዳርስ ገብእ



ምን ለከፍ አርምሐር ከወን

እት ፍንጌ ናይ ምግባይት ወካልኣይት ደረጃት መዳርስ አቅሊም ምግብ፣ እብ ክልኢቱ ውላድ ወአዋልድ ጅግረ አትሌቲክስ ሚዳን፣ ልክፊት ምደት ሐጺን፣ ለከፍ ከወን፣ ክምሰልሁም ዲስከስ እት ሚዳን መድረሰት ካልኣይት ደረጃት በከር ቀየሕ ገብእ።

እሊ ሰንበት ንኢሽ ለገብእ ጅግረ መዳርስ ምግባይት ደረጃት፣ እት ፍንጌ ሰቦ ናይ ምዳርያት መዳርስ ቱ ለገብእ።

እብ አሳስ እሊ፣ እት ልክፊት ምደት-ሐጺን አዋልድ፣ ፍትሓዊት ዐንደማርያም ምን መድረሰት ቁሾት አወላይት ፈግረት። ራእይ ገብራሂወት ምን መድረሰት አዳሊሴ ባትሴባ ገርጃ ምን መድረሰት ናጽነት አሰሪ ትረተብዩ። ምን ውላድ ህዩ፣ አልአሚን ሰዲድ ምን መድረሰት ፍትሐ፣ ላሚክ ገብሩ ምን መድረሰት ቁሾት ጸዕዳ እምባ፣ ሰናይ ዮውሀንስ - መድረሰት አዳሊሴ ምን አወላይ አሰክ ሳልሳይ ተርቲብ ጸብጠው።

እት ለከፍ ከወን ምን አዋልድ፣ ሮዛ ተክለዘገ - ምን መድረሰት ደቅሱብ፣ እልሃም ጅማል - ምን መድረሰት አዳሊሴ ትብርሀ ዐንደም ምን መድረሰት ደቅሱብ፣ ወምን ውላድ፣ ሄኖክ ከሰቱ ምን መድረሰት ዋርሳይ፣ ዮናታን ዐንደም ምን መድረሰት ሓድነት ወዐብደልዐዘዝ አልአሚን - ምን መድረሰት ድርፎ ተወተው።

እብ ዲስከስ፣ እልሃም ዳኒኤል ምን መድረሰት ዋርሳይ እግል ፋፍታሌም መብራህቱ ምን መድረሰት ባና ወደሊና መብራህቱ ምን መድረሰት ሓድነት እት ዋሌ

ሰልፋይት አብሀዘት ምን። ዩኤል ዳኒኤል ምን ዋርሳይ ህዩ፣ እግል ዮውሀንስ ካሕሳይ ምን መድረሰት ሕምብርቲ፣ ሰናይ ዮውሀንስ - መድረሰት አዳሊሴ እንዴ በድረ ተወተው።

ሰንበት ዐባይመ መዳርስ ካልኣይት ደረጃት እት ነፍሱ ለመጃል ትጃገረዩ። እብሊ ህዩ፣ እት ልክፊት ምደት-ሐጺን ሚላት ብርሃኔ ምን መድረሰት ሰማእታት አወላይት እት ፈግር፣ ሌላ አብርሃም - መድረሰት ሓርነት ወፊሩዝ ተሰፋይ ምን መድረሰት ርእሲ-ዐዲ ደርብ ፈግረዩ፣ መርሃዊ ሰመሬ ምን መድረሰት ሰምበል ህዩ፣ እግል ናኦድ አሚኔ ምን መድረሰት ኢሳቅ ተወልዴመድህን፣ ክምሰልሁም ሻሎም ሐገስ ምን ሰምበል እንዴ በድረ ዕዉት ህሊ።



ሰብ-መዳልያት አዋልድ 2ይ ደረጃት

እት ለከፍ ከወን፣ ደረሳይት መድረሰት ሰማእታት ሚላት ብርሃኔ ሰልፋይት ፈግረት። ፊሽን ገብራትንሳኤ - መድረሰት ሰከርቲ፣ ኤልሻን ሀብቶም - መድረሰት ሐላይ ካልኣይት ወሳልሰይት ፈግረዩ። ቃልኣብ ሀብቶም ምን መድረሰት ጸዕዳ ክርስትያን፣ አሮን አብርሃም - ምን መድረሰት ሰማእታት፣ ክምሰልሁም አማን መእከሌ - ምን መድረሰት እብራሂም ሰልጣን ህዩ፣ ምን አወላይ አሰክ ሳልሳይ ተርቲብ ገብእው።

እምበል እሊ፣ እት ለከፍ ዲስከስ፣ ምሲጋና እዮብ - ምን መድረሰት አሰመረ ሐፊሻዊ፣ ሶልያን ግርማይ - መድረሰት ርእሲ ዐዲ ወዮርካቤል ምሕረትኣብ - ምን መድረሰት አሰመረ ሐፊሻዊ ተወተው።

እብ እንክር ውላድ፣ ሄኖክ ሰለሙን - መድረሰት ካልኣይ ደረጃት በከር ቀየሕ፣ ጳውሎስ ተሰፋ-አለም - መድረሰት ኢሳቅ ተወልዴመድህን፣ ማዕበል ዘርኤህይማኖት ምን መድረሰት ቶክር፣ ምን አወላይ አሰክ ሳልሳይ እንዴ ገብእው ዲብ ዐርቀይ-ሰርገል አው መነሰት ዐርገው። እሎም ዕዉታም፣ መዳልያት ወልባስ ርያደት ጀዋእዝ ክም ትከበተው፣ ምን ፈሬዕ ውሳሪት ተዕለም አቅሊም ምግብ ለትረከበት ሐብራ ተኣክድ።

ዳዊት ሰመሬ፣ ወጠንያይ ረቅም-ቅያሲ አትሓየሰ

አሊምፕያይ አትሌት ዳዊት ሰመሬ፣ ሰንበት ዐባይ ዲብ ሰፕይን መዳኒት ሻሌንሽዩ እት ገብእ ጅግረ ሰይ መሳፊት 10 አልፍ ምትር እንዴ ሻረኩ፣ እብ ኤርትራ አሊምፕያይ አትሌት ዘርእሰናይ ታደሴ ብሐት ለዐለ ለትወቀለ ወጠንያይ ቅያሲ ሸፋገት ሰይ (ረቅም ቅያሲ) ናይ እሊ ሪም አትሓየሰ።



ሻብ ዳዊት ሰመሬ፣ እሊ ናይ ጽርግዩ ጅግረ ሰይ እብ 27 ደቂቀት ወ21 ካልኢት እንዴ አትመመዩ፣ ታሰዓይ ደረጃት ምን ኩሎም ስነ እት ለኢቲ፣ ምስሊ ሰልፋይም ሰብ ቀቀይ ሰይ ርቲብ ህሊ። እሊ ጅግረ እሊ ወድ ሰዊድን አትሌት አንድረሰ አልሚግረን እብ 26 ደቂቀት ወ53 ካልኢት ክም ተወተው ዲብ እሙር ህሊ።

እት ተእሪክ መጃል አትሌቲክስ ዐድነ ሰሚቲ ሰልፍ ለትትነቀም ለምርት ሚልካይ መዳልያት አሊምፕክ ዘርእሰናይ ታደሴ፣ እሊ ረቅም ቅያሲ ምን 20

ማዮ ሰነት 2007 ወእንዘ ህቲ ናሱ ብሕቲ ክም ዐለ ለልትዘክር ቲ። እት መደት ለሀ፣ ለዲብ ዱለት እንግሊዝ መዳኒት ማንጅሰተር ለገብእ ናይ ጽርግዩ ብድረ ሰይ፣ እብ 27 ደቂቀት ወ24 ካልኢት እንዴ አትመመዩ ቲ ዘርእሰናይ እግል ዝያድ 17 ሰነት ናይ ብሕቲቲ ማልኩ ለጸንሐ።



ምስል ሸርከት ሆነ እትፋቅ ፍሩም ለህለ ዳዊት ሰመሬ

ምርት ምን ሰእየት ለሶም ሸባን አትሌታት ዐድነ እት እንቲ እብሁዝ ለህለ ኤርትራ ወድ 20 ሰነት ዳዊት ሰመሬ ላኪን፣ ማሌ-ለህ እብ ሰለሰ ካልኢት እንዴ አትሓየሰ፣ ወጠንያይ ለሸፍገ ወክድ ሰይ (ረቅም ቅያሲ) እግል ልጽባዋ ቀድረ።

ነፈር ፈሪቅ 'ፍሬ ጸዕሪ' አትሌት ዳዊት ሰመሬ፣ እት ሰልፋይት መሻረከቲ ዲብ አሊምፕክ ፓሪስ 2024፣ እት ናይ ሚመዮት ጅግረ ናይ 5,000 ምትር ምን ሚመዮት እንዴ ሐልፈ፣ እት ካቲመት 19ይ ደረጃት ክም አት ለልትዘክር ቲ። እሊ አትሌት ሻብ ምስሊ እት እዳኒ መቅደረት ውቅል ለሶም ሰነት ክእነ ደረጃት እብ ረኪቡ፣ ፍረቅ ብዙሕ ልብ ካሪ ዲብ ህሊ።

ሴራ-ኦፊሽል ኢጣልያ ዲብ 20 ሳምንቲ

ለዐባዩ ፍረቅ ኢጣልያ ለልሐቅፍ ጅግራታት ሴራ ኦፊሽል



ናፖሊ ቅባል ሼርና (2-0)

ለሐልፊ ሰነብትመ ጅግራታቱ ዋዲ ዐለ። እሊ ገሌሁ ንቀዋ ጃቅፍ እቲ ወክም ከራለ ገናድ ፈሪቅ ሮመ ሸን-ገመል ጋብእ እቲ ለህለ ጅግራታት፣ ትልህያታት ግሩም ልትረኤ እቲ ህሊ። እት ሐልፊ

ሰነብት ወአትኒን ምን ገብእ ትልህያታት ወፍገሪቱ ምን እንረኤ፣ ሌቼ እግል ኤምፖሊ 3-1፣ ጅናዋ እግል ፓርማ 1-0፣ ኢንተርሚላን እግል ሼኒዘዩ 1-0፣ ናፖሊ እግል ሼርና 2-0፣ ክምሰልሁም ሞንዛ እግል ፊዮረንቲና 2-1 ቀልበዎም። ደርን ለፊግሪ ፍረቅ ህዩ፣ ኡዲኒ ወአታላንት 0-0፣ ቶሪኖ ወጃቭንቲስ 1-1፣ ኤሲ ሚላን ወካጅልያሪ 1-1፣ ወቦሎኛ ወርማ 2-2 ትፈናተው።

ፍገሪት ንጠዋ ፈረቅ ህዩ፣ ክእነ ትመስል ህሊት፦

- 1, ናፖሊ ----- 47 ንቅጠት
- 2, ኢንተር ሚላን ----- 43 ንቅጠት
- 3, አታላንት ----- 42 ንቅጠት
- 4, ላዘዮ ----- 36 ንቅጠት
- 5, ጃቪንቲስ ----- 33 ንቅጠት
- 6, ፍዮረንቲና ----- 32 ንቅጠት
- 7, ቦሎኛ ----- 29 ንቅጠት
- 8, ኤሲ-ሚላን ----- 28 ንቅጠት
- 9, ኡዲኒ ----- 26 ንቅጠት
- 10, ሮማ ----- 24 ንቅጠት



ንት ቻይና ንት ወቅት ብርድ (ቅርሲሶ) ንት ከበርዳ ነሀር ከሐምሶ



ገብእ እሕትፋል፡ እት Ice City ለትትብሀል መዲነት ልትጃገር። ለአንፋር ሰነት እብ ሪመ እግል እሊ እሕትፋል እሊ መትግላዮም ወዱ።

እሊ አማክን እሊ ህዩ ክም አርድ መድሐር ልትሐሰብ። እብሊ ህዩ፡ እግል ርዶደት ወምትዐት እንዴ በለው ክም ገይሶ፡ ወብዝሓም ክም ጠሉቡ ልትሸራሕ። ኦር ምን እትሊ አማክን እሊ ለሐምሰ ለዐለ ወድ 56 ሰነት ላቱ አሰይድ ቼይን እት ሸራሕ፡ ምን ክትር በራደትላ ማይ፡ እሰልፍ እብ ረጋዛት ሸዐርት፡ ሐቀሁ ላኪን እብ ራሐት ረከቡሉ ልብል።

እት ቻይና ንት ወቅት ብርድ እግል ግፍዮት ወመትራሃይ እንዴ በለው እት ለተለጀ ነሀር ለሐምሶ፡ እብ ንዮቶም እት ተልጅ ለልሐምሶ፡ እት ቅብለት ምፍጋር ጸሓይ ቻይና ክል ሰነት እት

ሰይጣን ገደብን ምሕዳግቤክን ሰዲ ከብቅጥ ነገብክ ቱጅት ዐባይ ቡ

ገርብን ወሐንገልን እግል ሰኔ ልሸቀው ዕርፍ ለሐዘ፡ እብሊ ህዩ ዘክሪያትን ወተርኪዝ ስካብ ካሬ ሐቀ ኢረክብን እግል ልትአዜ ቀድር። እት ክምሰልሁመ እት ሐንገልን ለሀለ ሲላት እግል ለመት ቀድር። እት ወቅት ሰካብ ሐንገልን ናይ መትዘካር ቅድረትን ክም ትትወቀል ወዴ፡ ህቱ ሌጠ እንዴ ኢገብእ፡ እት አምዕላይት መንበረትን ለእንርእዩ ወእንሰምዑ እት ዘክሪያትን እግል ልትሐፈዝ ሰዴ።



ዑለማእ እብ ክሰሰ እሊ መውደዕ እት መክር፡ እብ ተዐብ እት ትሸዕር እቱ ወክድ እግል ትትሰሄ ክም ወጅብ፡ ሰበቡ ህዩ መትላሃይ እግል ሐንገልን ራሐት ለሀይቡ ልብሎ። እብ ትሉሉይ ሰካብ

ለለአዜ እሎም አንፋር አሻይር ልትፈራህ መሻክሎም እግል ሓኪም ናይ ሕማም እግል ኢልግበእ ሰበት እግል ልሐብር ልትመክር።

ከክነትፈክር ሐቃይቅ

እሊ እት ሱረት ትርአው ለሀሌኩም እናሰ ሰሚቱ ፖል ሪቻርድ አለክሳንደር ትትብሀል።



እት ሰነት 1946 ለትወለደ እት ገብእ፡ ወድ 6 ሰነት እት እንቱ እብ ሕማም ፖልዮ ምን ስጋዱ ገጽ ተሐት ኩሉ ገርቡ ትሸለሉ፡ እብሊ ህዩ ምን ሰነት 1952 እንዴ አንበተ አሰክ እሊ ወቅት እሊ እት ቀበት ኣለት አተንፈሶት ነብር ሀለ። እሊ በሀለት እግል 71 ሰነት እትሊ ኣለት እሊ ነብር ሀለ። ወለ እግል 1 ደገገትመ ትግበእ ምን እሊ ማሸን እሊ በረ እግል ልፍገር ኢቀድር። ለልአትፈክር ናይ እሊ እናሰ እሊ ላኪን፡ እት ጃምዐት

እንዴ ደርሰ እብ ቃትን ትደሐራ፡ ወእበ ለትከረጀ እበ ምህነት ለአደርሰ ሀለ።


ዐጃይብ ቱ፡ ዶል ዶል ቁመት ናይ ግፍዮት ኢትትፈሀመን ከእበ ኢነፊዕ ሐጃት ብዕዳም ነአመርር፡

እሊ እናሰ እሊ ላኪን አሰክ እሊ ረቢ ዕምር ምን ሀበዩ ክል ዶል ረቢሁ ለሐምድ።

ሰበት እሊ፡ እግል ረቢ ለሀቤናተ ዐውለ ቃሊ ላተ ግፍዮት ክል ዶል ረቢነ ነሐምድ።


ንግል ርሕብ ለትመልክ እሰት፡ ኢት ሰጅል ዐለም ቱአቴ

እት ቴክሳስ ለፊይሐ ንግል ለትመልክ እሰት እት ሰጅል ዐለም ክም ትሰጀለት ትሸርሐ። ህተ፡ አሰይደ ላክዮ ለትትብሀል ወለት ብሪግንዮተ። ለንግል ፍይሐኖህ 3.11 inch (7.90cm) ትቀየሱ። ቀደም እሊ ክልአት ውላድ ተብዕን እብ ርሕብ ንግሎም እት እድንያይ ሰጅል አትያም ክም ዐለው ልትሀደግ። ለአወላይ ወድ አሚርክ ላቱ ቶምፒሶን ለልትብሀል እናሰ እት ገብእ፡ ርሕብ



ንግሉ 3.49inch ትቀየሱ፡ ለካልአይ ህዩ ለኢሚሊ ለልትብሀል ሓረሰታይ ቱ፡ ርሕብ ንግሉ ህዩ 2.89 inch ክም ገብእ ተአመረ። እብሊ ህዩ ላክዮ አሰክ እሊ ለፊይሐ ንግል ለትመልክ ወለት አንጎይት እንዴ ትብሀለት እት እድንያይ ሰጅል ሰሚተ ክትብት ሀሌት።

7 ፎንቱት ስወር ሕዘው



Find 7 differences between pictures.

ገኬ ምን ቦሀኬ

- * ሐያትክ እት ፍክረትክ ትተንኩብ፡ ወፍክርክ እት ሕርያንክ።
- * እብ ክሰሰ ሐያትክ ብዕድ ነፈር ክእነ ውዳ እግል ለበለክ ኢትሰመሕ፡ እግልሚ፡ ቴለልክ ምንክ ወልዐል ለልአምር አለቡ።
- * ወጃዕ ለኢአለቡ ዐውቴ ይሀሉ፡ ሰበት እሊ እግል ትትዐወት ሐቀ ሐዜክ ተበን እግል ትድፈዕ ላዝምቱ።
- * ክልዶል እብ ከሳርክ ኢትትፈክር ወሰእዮት ኢትብተክ።